

日下舊聞

| | | | | |
|---|---|---|---|---|
| 漢 | 九 | 九 | 六 | 類 |
| 書 | 一 | 〇 | 四 | 號 |
| 門 | 一 | 〇 | 四 | 函 |
| | 六 | 三 | 〇 | 架 |
| | 一 | 〇 | 四 | 冊 |

| | | | | |
|---|---|---|---|---|
| 內 | 九 | 九 | 六 | 類 |
| 閣 | 一 | 〇 | 四 | 號 |
| 文 | 一 | 〇 | 四 | 函 |
| 庫 | 六 | 三 | 〇 | 架 |
| | 一 | 〇 | 四 | 冊 |

地理

| | |
|------|----------|
| 內閣文庫 | |
| 番號 | 漢 9096 |
| 冊數 | 16 (1) |
| 函號 | 292 9 |

292-9





朱竹垞太史輯

日下舊聞

六峯閣藏板


0-202



古地志九丘之所述土訓誦訓之所傳不可得而聞矣
 禹貢於帝都不書疆界其首列冀州僅兩言爾而已見
 尊京師示王者無外之意此書之體例也商頌稱亳都
 曰景員惟河景山河大河員言大河之旋繞於山文僅
 四言而山之高大水之縈迴形勢之雄壯險回俱繁若
 指掌此立言之法也文王治岐及豐南所咏多在江
 沱汝漢之間無一言及於岐豐土俗者舉遠可以見近
 也蓋詩書之言約而該其旨微而顯而志有地理為史
 家者流義取詳嚴辭取典瞻有不然者余考自古帝
 王建都之地多且久莫如關中今則燕京而已關中自
 漢黃圖外若葛洪辟廩蕭實之所紀無慮數十家獨唐
 韋述撰西京記宋宋敏求演之以為長安志十卷最稱

淹博其燕朔都於遼歷金元及明迄今七百餘年其名雖燕舊而西自恒山呼沱易水以屬之邯鄲為趙地西南漳衛為魏及邢衛之境東南自大河附之海為齊接壤蓋奄有數國之封畧故其所錄不得不廣其立國於五代搶攘之際非有周文武成康之基業與秦漢隋唐以來聲明文物之舊也而故典缺如蒐輯者尤難之友人秀水朱君竹垞檢討居京師久乃博采經史子集幾千卷及游覽所至所訪於遺賢故老者集之為日下舊聞分為一十三門總卷至四十有二則所謂詳覈而典瞻者矣又間以已論其是非援據精確辭雅義暢前此未有書也蓋郡國寰宇之有記至元始編為大一統志明鍾而修之其所載者天文分野戶口賦

額山川城郭宮室坊市津梁廟寺陵墓之名數與夫各郡邑之人物土宜亦云記其大凡而已若夫歷代遷葬因革之不同風俗好尚圖史金石藝器淵沉土埋止銘塚刻之剝蝕殘脫而僅存者人妖物胥虞初之所志靈異之所錄禽獸草木詭形殊品非此書不備也誠能仿其例於十三布政司志各配以一書行之志為之經此為禪識大識小兼羅並收學者一開卷而坐見六合之內窮古今之變豈不甚快惜乎竹垞已老而作者之不易得也是編撫拾止於前代軼事然觀其所述非徒以侈浩博已也其於世運隆替君臣謀議政治民風得失之故瞭然法戒之實不在是與其以翼經而補史之所不及者尤作書之深意不可以無察也慈谿姜宸



秀水朱竹垞以史官入直

南書房既被謫留居都下以京師遼金元明歷代建都於是
不有以紀之慮舊聞之放失也迺采撫羣書自六經以至
百家二氏自國史家集以至海外之載紀自百千卷以至
殘碑壞榻斷楮零墨靡不搜錄成四十有二卷題曰日下
舊聞三濡主人方假歸竹垞飲餞于郊故篋請之作而曰
猗與偉與紀述之備其茂有遺憾也夫竹垞曰否否燕之
有春秋見于墨子幽都之有記有圖經見于隋志幽州古
今人物之有志見于唐書遼有燕北會要金則疆域圖元
則建都有紀其外著錄有若熊自得之燕京志劉崧之北平
志北平事迹戚不磷郭暹卿之燕史其少者或數卷多或至
數百卷是皆燕志

也而未之見焉烏得無憾譬諸尋河者不得其源而徒取夫窮瀆細流也主人曰不然水之發原而注乎尾閭也并千七百一川而爲河觀河者不期秦乎星宿也納萬川而爲海觀海者不期極乎歸墟也子之閱覽既已靡奇不有靡怪不備豈必盡收坳堂瀾洑之水而注之川乎在昔燕有騶子列中國名山大川通谷禽獸水土所殖物類所珍因而推之及海外其言以爲九州之內名曰赤縣赤縣之畿從冀州而起今之京師亦陶唐氏之冀方也竹垞網羅舊聞既始于此試推而及于九州之廣合成一書不亦大愉快事也哉觴酒既行悽悽而別因書其言以爲序丹徒張鵬

昔漢婁敬言形勢首關中次三齊而他不出焉金源梁襄則以燕爲京都之選首其地左滄海右太行後倚關塞南面而臨區夏壯哉度越東西秦遠矣歷年既久市廛古跡漸多游京師者尋覽名勝發爲歌詩匪掌故奚由哉朱子竹垞博極經史述而不作輯爲日下舊聞聞者聞之於昔也非一人獨撰之書也乃廣其義例首星土世紀次形勝次王次城市次郊坰京畿僑治附焉又次邊障戶版風俗物產而終之以雜綴及石鼓考其四十二卷上自軒轅下迄明季所采輯經史與裨官家言計千六百有奇其經緯宏遠備矣後有作者蔑以加矣曩歲在己未

上召海內文學之士試闕下時子承乏政府

竹垞卷

嘆爲奇絕同時五十人皆長置禁林而竹垞獨供奉
內庭未幾罷去乃僦居古燕書屋風雨一編青燈永夕
人見其蕭然闔戶疑有牢愁羈旅之思不知其搜拾舊
聞訂訛辨誤與古人角勝于楮墨間也竹垞在翰苑著
有瀛洲道古錄一書宜并出問世使官詞林者知職守
之所在累朝禮下之典亦與有助焉予退處田間老而
廢學得此二編以送餘年庶幾京師舊游歷歷在日亦
可以消玉堂天上之感也已益都馮溥序

日下舊聞目錄

秀水 朱 彝尊 會粹

男 昆田 補遺

卷一

星土

世紀

卷二

形勝

卷三

宮室一 遼 金

卷四

宮室二 元上

卷五

宮室三元下

卷六

宮室四明一

卷七

宮室五明二

卷八

宮室六明三

卷九

宮室七明四

卷十

城市一中城上

卷十一

城市二中城下

卷十二

城市三東城

卷十三

城市四西城

卷十四

城市五北城上

卷十五

城市六北城下

卷十六

城市七南城上

卷十七

城市八 南城下

卷十八

城市九 存疑

卷十九

郊坳一

卷二十

郊坳二

卷二十一

郊坳三

卷二十二

郊坳四

卷二十三

郊坳五

卷二十四

郊坳六

卷二十五

京畿一 良鄉 固安 永清 東安 香河

卷二十六

京畿二 通州

卷二十七

京畿三 三河 武清 寶坻 灤縣

卷二十八

京畿四 霸州 文安 大城 保定

卷二十一

京畿五 涿州

卷三十

京畿六 房山

卷三十一

京畿七 薊州

卷二十二

京畿八 玉田 豐潤 遵化 平谷

卷三十三

京畿九 昌平州上

卷三十四

京畿十 昌平州下

卷三十五

京畿十一 順義 密雲 懷柔

僑治

卷三十六

邊障一 薊鎮

卷三十七

邊障二 昌鎮

卷三十八

戶版

風俗

物產

卷三十九

目下

目錄

雜綴

卷四十

石鼓考上

卷四十一

石鼓考中

卷四十二

石鼓考下

目下舊聞抄撮羣書目錄

尚書

尚書正義 孔穎達

禹貢山水考 孫承澤

詩草木鳥獸蟲魚疏 陸璣

曹氏詩說 曹粹中

逸齋詩補傳

周禮

周禮全解 鄭鏞

周禮總義 易祿

考工記

大戴禮記

尚書傳 孔安國

禹貢論 程大昌

毛詩

李氏詩譜

黃氏詩解 黃種

朱子詩傳遺說

周禮注 鄭康成

周禮釋疑 薛季宣

禮經會元 葉時

禮記

大學衍義補 丘濬

春秋

春秋左傳

春秋穀梁傳

春秋正義 孔穎達

春秋外傳國語

爾雅

爾雅注 李巡

爾雅注 郭璞

孟子

汲冢周書

易坤靈圖

河圖括地象

尚書刑德做

春秋元命苞

春秋說題辭

竹書紀年

古史考 譙周

帝王世紀 皇甫謐

路史 羅泌

路史注 羅苹

戰國策

史記 司馬遷

史記正義 張守節

史記索隱 司馬貞

漢書 班固

漢書天文志 班昭

漢書注 顏師古

後漢書 范曄

後漢書注 唐章懷太子

後漢書補注 劉昭

兩漢刊誤補遺 吳仁傑

謝氏後漢書 謝承

東觀漢紀 劉珍等

續漢書 司馬彪

獻帝春秋 袁曄

三國志 陳壽

三國志注 裴松之

魏書 王沉

吳書 韋曜

九州春秋 司馬彪

魏氏春秋 孫盛

漢晉春秋 習鑿齒

晉書 房喬等

王氏晉書 王隱

晉紀 于寶

燕書 范亨

趙書 田融

十六國春秋 崔鴻

宋書 沈約

後魏書 魏收

北齊書 李百藥

齊春秋 吳均

後周書 令狐德棻

北史 李延壽

南史 李延壽

三國典畧 丘悅

隋書 魏徵等

河洛行年紀 劉仁軌

唐書 劉昫等

新唐書紀志表 歐陽修

新唐書列傳 宋祁

新唐書注

唐曆 柳芳

朝野僉載 張鷟

明皇雜錄 鄭處晦

薊門紀亂 平致美

河洛春秋 包諤

大唐新語 劉肅

國史補 李肇

國史異纂 劉餗

唐遺史

舊五代史 薛居正

五代史 歐陽修

五代春秋 尹洙

五代史補 陶岳

周太祖實錄 張昭

馬氏南唐書 馬令

陸氏南唐書 陸游

宋史 脫脫等

東都事畧 王偁

太平治迹統類 彭百川

九朝編年備要 陳均

三朝北盟會編 徐夢莘

封氏編年 封有功

宣政雜錄 江萬里

謀夏錄 汪藻

靖康小史 何烈

北狩行錄 蔡條

燕雲錄 趙子砥

陷燕記 賈子莊 一作許

金節要 張滙

竊憤續錄

南燼紀聞

大事紀講義 呂中

遼史 脫脫等

契丹志 葉隆禮

金史 脫脫等

金國文具錄

歸潛志 劉祁

聖武親征記

宋元史質 王洙

啟運錄 荀相

建文朝野彙編 卷以方

革除備遺錄 張芹

仁宗實錄 楊士奇等

三朝聖諭錄 楊士奇

天順日錄 李賢

孝宗實錄 李東陽等

大金國志 宇文懋昭

金國南遷錄 張師顏

元史 宋濂等

黑達事畧 徐憲

明太祖實錄 胡廣等

路紀 項薦壽

建文書法擬 朱鷺

成祖實錄 楊士奇等

英宗實錄 陳文等

否泰錄 劉定之

憲宗實錄 劉吉等

武宗實錄 費宏等

世宗實錄 張居正等

諭對錄 張孚敬

世廟聖政紀要 陳懿典

嘉隆聞見紀 沈越

光宗實錄 葉向高等

熹宗實錄 溫體仁等

兩朝從信錄 沈國元

頌天臚筆 金日升

甲申傳信錄 錢士軾

三朝野史 李遜之

吾學編 鄭曉

鴻猷錄 高岱

肅皇外史 范守已

世廟識餘錄 徐學謨

穆宗實錄 張居正等

神宗實錄 顧秉謙等

先撥志始 文秉

陵工紀事 萬燦

國權談遷

崇禎遺錄 王世德

甲乙彙畧 許重熙

綏寇紀畧 吳偉業

大政紀 雷禮

憲章錄 薛應旂

憲章類編 勞堪

史槩 朱國禎

西園聞見錄 張萱

名山藏 何喬遠

國史唯疑 黃景昉

懋書 蔣德璟

資治通鑑 司馬光

通鑑注 胡三省

通鑑粹英 胡三省

朱子通鑑綱目

通鑑地理通釋 王應麟

續資治通鑑 薛應旂

明通紀 陳建

歷代建元考 鍾淵映

通典 杜佑

續通典 宋白

唐會要 王溥

五代會要 王溥等

元經世大典 虞集等

明會典 李東陽等

國朝典彙 徐學聚

冊府元龜 王欽若等

太平御覽 李昉等

太平廣紀 李昉等

文獻通考 馬端臨

續文獻通考 王圻

通禮義纂 盧多遜

通志畧 鄭樵

羣書考索 章如愚

紀纂淵海 潘自牧

圖書編 章潢

古今治平畧 朱健

經世挈要 張燧

明倫大典 朱希周等

大禮集議

存心錄 吳沉等

武經總要 曾公亮等

陰遜甲 釋智海

籌兵三十六字 曹飛

武帝內傳

漢武故事 王儉

漢末英雄記 王粲

文士傳 張暉

高士傳 皇甫謐

孝子傳 蕭廣濟

幼童傳 劉昭

安祿山事蹟 姚汝能

文信公傳 劉岳申

文信公傳趙淵

元名臣事畧蘇天爵

國學事蹟耶律有尚

考歲畧耶律有尚

稗史集傳徐顯

獻徵錄焦茲

博物策會戴璟

分省人物考過廷訓

畿輔人物志孫承澤

表忠紀畧任暉臣

昭忠錄

孤兒籲天錄楊山松

萬姓統譜凌迪知

星經石甲

天官星占

宋兩朝天文志

觀象玩占劉基

廣古今五行志竇鏊

清類天文分野之書

山海經廣注吳任臣

山海經注郭璞

水經注酈道元

魏氏土地紀

晉地道紀王隱

十三州志闕駟

九州要畧劉之推

隋諸道圖經鄭蔚之

括地志蕭德言等

十道志梁載言

開元十道要畧

道里記

郡國縣道記

元和郡縣志李吉甫

郡國志司馬彪

國名記羅泌

太平寰宇紀樂史

九域志王存

輿地廣記歐陽忞

歷代地理指掌圖稅安禮

輿程記

方輿勝覽祝穆

元混一六輿勝覽

寰宇通志陳循等

明一統志李賢等

輿地指掌圖桂萼

廣輿圖胡松

寰宇分合志 徐樞

方輿勝畧 程百一

職方圖考 陳組

祁縣釋名 郭子厚

名勝記 慎蒙

名勝志 曹學佺

城邑考

冢墓記 李彤

城冢記 皇甫鑿

方輿紀要 顧祖禹

幽都記

幽燕紀異

燕北雜紀 武珪

三郡記 邢子願

北平古今記 顧炎武

順天府志

大興新志

大都宮殿考

元掖庭記

禁扁 王士點

宮殿額名

燕史 劉若愚

金鰲退食筆記 高士奇

五城坊巷衢集 張爵

燕都游覽志 孫國教

長安客話 蔣一葵

上林彙考 王象雲

長安可游記 宋啟明

帝京景物畧 劉昫

燕山叢錄 徐昌祚

舊京遺事 史弱翁

客燕雜記 陸啟滋

北京歲華記 陸啟滋

春明夢餘錄 孫承澤

析津日記 周質

人海記 查嗣璣

行國錄 沈進

緇素錄 郭徵

香山記 李晏

燕山紀游 阮旻錫

游業 區懷瑞

泠然志 徐善

國門近游錄 劉芳喆

北游紀方 黃百家

黃圖雜誌 繆泳

元大都城隍廟碑 任枋

佑聖王靈應碑 韓從政

佑聖王加封記 童梓

佑聖王廟長明燈記 失名 東岳廟昭德殿碑 趙世延

畫眉山龍王廟碑 明神宗 重建三里河橋記 周叙

良鄉縣志 余鏞 固安縣志

永清縣志 東安縣志 阮宗道

香河縣志 通州志

潞水客譚 徐貞明 潞沙筆綴 龔翔麟

三河縣志 元三河講堂記 王約

併三河驛記 李貢 武清縣志

寶坻縣志 莊驥 寶坻新志

金新建寶坻縣記 劉晞顏 元修蘆臺聖母廟記 趙鑄

元興寶聖母廟記 高鳴 灤縣志

霸州志 元修霸州廟學記 王思誠

文安縣志 元修文安縣學記 尚野

大城縣志 金修大城縣學記 劉光國

元修大城文廟記 馬克忠 保定縣志

涿州志 金涿州文廟碑 黃久約

金漢昭烈帝廟碑 王庭筠 涿鹿記 史恒德

元涿州九子廟碑 蔡欽 元昭佑靈惠公碑 夏以忠

元涿州無訟堂記 劉懿 房山縣志 黃榜

元房山縣學碑 魏必復 奧室紀 錢柏齡

薊州志 薊州新志

盤山志 朱榮 玉田縣志

遵化縣志 張杰 豐潤縣志 石邦政

元豐潤縣記 孫慶瑜 豐潤縣文廟兩廡碑 張勗

元越支社鹽場記

徐世隆

平谷縣志

盤陰雜志

柳介

平谷明倫堂記

納麟不花

昌平舊志

崔學履

昌平州新志

元重修昌平縣碑

馬房輝

元修狄梁公祠記

宋渤

陵祀扈蹕錄

夏言

昌平山水記

顧炎武

芹城小志

李因篤

翠微志

陳繼新

肅松錄

譚吉璉

順義縣志

順義新志

順州公廨記

梁宜

密雲縣志

元檀州文廟碑

王思誠

懷柔縣志

皇都水利考

水部備考

周夢陽

通漕類編

王在晉

漕河考

河渠志

吳道南

漕河圖志

漕船志

席書

屯政考

邊防考

備邊錄

四鎮三關志

劉效祖

三鎮邊務總要

李如樟

籌邊碩畫

全邊畧紀

方孔炤

述征記

郭緣生

陷蕃紀

胡嶠

北蕃風俗記

王沂公上契丹事

使遼錄

張舜民

使遼行程記

奉使行程錄

許亢宗

北征紀實

蔡條

松漠紀聞

洪皓

金國行程

汪藻

金人疆域圖

攬轡錄

范成大

北棧錄

周輝

北邊備對

程大昌

塞北事實

文惟簡

下書

目錄

凡

塞北小抄 高士奇

東國史畧

高麗史 鄭麟趾

使琉球雜錄 汪楫

東西洋考 張八

雜錄 程大昌

閩書 何喬遠

晉安逸志 陳鳴鶴

嶺南文獻 張邦翼

漳川州志

吳船錄 范成大

西遷注 張鳴鳳

唐六典注 張說等

宋宰輔編年錄 徐自明

職官分紀 孫逢吉

明宣宗御製官箴

中堂事紀 王惲

翰林記 黃佐

殿閣詞林記 廖道南

詞林典故 張位

錦閣類錄 呂本

翰苑須知

玉堂嘉話 王惲

玉堂漫筆 陸深

玉堂叢語 魚竑

玉堂薈記 楊士聰

吏部職掌 方九功

撫言 王定保

貢舉考 張朝瑞

登科考 俞憲

掖垣人鑑 蕭彥

三垣筆記 李清

西垣筆記 孫承澤

太常記 蕭彥

明典禮志 郭正域

嘉靖祀典 連標

光祿寺志 徐必達

同政要覽 連標

六館日抄 劉中柱

錦衣志 王世貞

明刑法志 姜宸英

貂璫史鑑 張世則

晁氏讀書志 晁公武

直齋書錄解題 陳振孫

文淵閣書目 楊士奇等

萬曆重編內閣書目 張萱

百川書目 高儒

天下書目

古今詩話

釋名 劉熙

經典釋文 陸德明

纂文 何承天

論書表 江式

古跡記 徐浩

書斷 張懷瓘

述書賦注 竇蒙

古今法書苑 周越

集古錄 歐陽修

東觀餘論 黃長睿

縮史 翟登年

方言 揚雄

古今注 崔豹

說文解字 許慎

通雅 方以智

書旨述 虞世南

書後品 李嗣真

述書賦 竇泉

法書要錄 張彥遠

墨刻揮犀 彭乘

鍾鼎款識 薛尚功

金石錄 趙明誠

墨池編 朱長文

資古紹志錄 胡世將

宣和書譜

石鼓文考 鄭樵

復齋碑錄 王厚之

隸釋 洪适

寶刻叢編 陳思

輿地碑目 王象之

衍畝 鄭杓

石鼓文音訓 潘迪

格古要論 曹昭

金薤琳琅 都穆

墨池瓊錄 楊慎

廣川書跋 董道

郭氏釋石鼓文

石鼓文音 施宿

石鼓文釋音 王厚之

周秦刻石釋音 楊文昇

諸道石刻錄

又 失名

學古編 吾衍

石鼓論 劉仁本

格古要論補 王佐

金石古文 喬

王氏法書苑 王世貞

金石史 郭循伯

石墨鐫華 趙嘏

游鶴堂墨數 周之士

善畫史 陳繼儒

天下金石志 于奕正

金石文字記 顧炎武

古林金石表 曹溶

書學聖蒙 孫和斗

宣和畫譜

圖畫見聞志 郭若虛

畫繼 鄧椿

圖繪寶鑑 夏文彥

續圖繪寶鑑 韓昂

中麓畫品 李開先

雲烟過眼錄 周密

鐵網珊瑚 朱存理

墨史 陸友

古今印史 徐官

相貝經 朱仲

古玉圖考

泉志 洪遵

石譜 杜綰

奇石記 陳年

禽經 張華

素問

茶經 陸羽

熙寧酒課 趙璠

說苑 劉向

劉向別錄

搜神記 干寶

博物志 張華

拾遺記 王嘉

志林 虞喜

語林 裴啟

述異記 任昉

集異記 薛用弱

集異志 陸勳

獨異志 李亢

隋唐嘉話 劉餗

宣室志 張讀

杜陽雜編 蘇鶚

八代談數 陽玠松

雲仙散錄 馮贇

紀聞 牛肅

劉氏耳目紀

辨疑志 陸長源

前定錄 鍾輅

叢苑

日下舊聞

目錄

七

玉泉子

西陽雜俎 段成式

瀟湘錄 柳祥一作李隱

鑑誠 何光遠

北夢瑣言 孫光憲

茅亭客話 黃休復

清異錄 陶穀

雞肋編 莊綽

儒林公議 田况

南部新書 錢易

東臯雜錄 孫宗鑑

丁晉公談錄

畫墁錄 張舜民

塵史 王得臣

學林新編 王定國

倦游雜錄 張師正

王氏聞見近錄 王鞏

玉壺清話 釋文瑩

道山清話 王暉

姚氏殘語 姚寬

夢溪筆談 沈括

靖康湘素雜記 黃朝英

韻語陽秋 葛立方

能改齋漫錄 吳曾

鐵樹山叢譚 蔡條

錢氏私誌 錢世昭

倚覺寮雜紀 朱翌

墨莊漫錄 張邦基

游宦紀聞 張世南

容齋隨筆 洪邁

野谷叢書 王楸

老學菴筆記 陸游

緯畧 高似孫

蒙齋筆譚 鄭景望

困學紀聞 王應麟

悅生隨抄 賈似道

截江網

浩然齋視聽抄 周密

澄懷錄 周密

癸辛雜識 周密

志雅堂雜抄 周密

齊東野語 周密

篔簹筆談 邵煥

靜菴筆錄

困學齋雜抄 鮮于樞

研北雜志 陸友仁

樂全堂廣客譚

解醒語 李材

下善閣

日錄

三

采蘭雜志

輟耕錄 陶宗儀

金姬別傳 楊儀

青樓集 黃雪蓑

草木子 葉世奇

霏雪錄 劉績

可齋筆記 彭時

水東日記 葉盛

九胡野記 祝允明

馬氏日抄 馬愈

應菴隨錄 羅鶴

郊亭詩話

立齋閒錄 朱端儀

瑣綴錄 尹直

青溪暇筆 姚福

寓圃雜記 王鏞

蓉塘詩話 姜南

病逸漫記 陸鉞

明良記 楊儀

月山叢譚 李文鳳

西樵野記 侯甸

蘇材小纂 祝允明

鄕邸漫抄 文林

瓦釜漫記 劉世簡

金臺紀聞 陸深

春風堂隨筆 陸深

畜德錄 陳沂

雙槐歲抄 黃瑜

郊外農談 張鈇

傍秋亭雜記 顧清

震澤長語 王鏊

菽園雜記 陸容

近峯聞畧 皇甫錄

蓬牕日錄 陳全之

宙載 張合

天都載 馬大壯

石河小說 張承

餘冬序錄 何孟春

說聽 陸廷枝

孤樹哀譚 趙可與

今言 鄒曉

尊聞錄 梁億

藝苑卮言 王世貞

宛委餘編 王世貞

鳳洲筆記 王世貞

四友齋叢說 何浪俊

耳談 王同軌

丹鉛錄 楊慎

目下青開

目錄

古

繫瓦編 吳安國

七修類稿 郎瑛

少室山房筆叢 胡應麟

客演偶筆 程式序

長水日抄 陸樹聲

彈園雜志 伍袁萃

獅山掌錄 吳之俊

留青口札 田藝衡

堯山堂外紀 蔣一葵

鬱岡齋筆塵 王肯堂

穀城山房筆塵 于慎行

閣然堂類纂 潘士藻

筆乘 焦竑

客座贅語 顧起元

紫桃軒雜綴 李日華

湧幢小 不國禎

說儲 陳禹謨

巨史 潘之恒

槎菴小乘 亦斯行

五雜俎 謝肇淛

暇老齋雜紀 茅元儀

掌紀 茅元儀

廣博物志 董斯張

露書 姚旅

見只編 姚上卷

野獲編 沈德符

谷水談林 胡夏客

雲谷卧餘 張習孔

憶記 吳姓

破夢閒譚

野老漫錄

青麟屑 應秉臣

慟餘雜紀 史惇

玉光劍氣集 張怡

謏聞續筆 張怡

菊隱紀聞 陸元輔

口知錄 顧炎武

因樹屋書影 周亮工

白頭閒話

楮園雜紀 黃虞稷

蟬窠別志 黃虞稷

函山旅話 劉芳躅

問史撥遺 俞汝言

客臆偶譚 陳倌

艮齋筆紀 李澄中

西神脞說 嚴繩孫

淦水亭雜識 成德

辛齋詩話 陸嘉淑

詠歸錄 查容

說臆 錢枋

黑蝶齋小牘 沈岸登

排悶錄 陸世楷

稼堂雜抄 潘耒

菀齋詞話 錢芳標

炙硯錄 倪琴

詞苑叢譚 徐鉉

寄園寄所寄錄 趙吉士

改蟲齋雜疏 高層雲

查浦輯聞 查嗣琛

竹素辨譌 陳光粹

雅坪散錄 陸棻

朔紀 沈皞日

花南老屋歲抄 李符

匡林 毛升舒

倚晴閣雜抄 魏坤

列仙傳 劉向

神仙傳 葛洪

洞仙傳 見素子

仙舟拾遺 杜光庭

真仙通鑑

癘城集仙錄 杜光庭

元風慶會圖文說

長春真人本行碑 陳時可

處順堂會葬記 陳時可

尹宗師碑 弋設

真常真人道行碑 王鶚

張真師道行碑 孟祺

冲和真人碑 徒單公履

夏真人道行碑 姬志真

冲虛大師墓碣 李鼎

弘道真人碑 李鼎

白雲真人道行碑 李庭

元寶觀柏記 趙鑄

順州白雲觀記 宋渤

霞峯觀記 王道亨

又 李志寧

赤肚子傳

法苑珠林 釋道世

廣弘明集 釋道宣

續高僧傳 釋道宣

神僧傳

神州塔傳

冥報記 唐臨

冥報拾遺 眼餘

增益阿舍經

傳燈錄 釋道原

指月錄 瞿汝稷

盤山祐人寺石 李仲宣

遼奉福寺石幢 釋真延

遼堊舍 佛牙記 釋志愿

遼雲居寺碑 王正

遼修雲居寺記 釋智光

遼雲居寺藏經記 釋志才

金寶坻縣大覺寺記 張瓚

龍泉寺應制詩 釋重玉

元天開寺重建碑 釋福珪

元天開中院碑陰 魏必復

香河縣仁公塔記

元上方感化寺記 釋福珪

瑞像來儀記 釋紹乾

真覺寺寶座記 明憲宗

廣恩寺碑 錢安

弘慈廣濟寺志 釋湛祐

管子

列子

墨子

荀子

韓非子

燕丹子

闕子

呂覽 呂不韋

淮南子

淮南子注 高誘

鹽鐵論 桓寬

潛夫論 王符

論衡 王充

風俗通 應劭

符子 符朗

蔡中郎集 蔡邕

陶徵士集 陶潛

陳正字集 陳子昂

李翰林集 李白

杜工部集 杜甫

孟襄陽集 孟浩然

高常侍集 高適

韋蘇州集 韋應物

昌黎集 韓愈

柳先生集 柳宗元

長江集 賈島

李益詩集

梨岳集 李頎

樊川集 杜牧

玉溪生詩集 李商隱

雲臺編 鄭谷

比紅兒詩 羅虬

詠史詩 胡曾

甲乙集 羅隱

范文正公別集 范仲淹

使北錄 范鎮

臨川集 王安石

東坡詩注 趙彥材

樂城集 蘇轍

山谷集 黃庭堅

嵩山集 晁說之

石湖集 范成大

小游仙詩 曹唐

津陽門詩 鄭嵎

詠史詩 汪遵

安陽集 韓琦

蔡忠惠公集 蔡襄

宛陵集 梅聖俞

東坡居士集 蘇軾

東坡詩注 趙夔

淮海集 秦觀

眉山集 唐庚

西溪集 沈邁

石湖樂府 范成大

朱子語類

中齋稿 鄧剡

山林長語 劉迎

遺山集 元好問

陵川集 郝經

劉靜修集 劉因

雪樓集 程鉅夫

養蒙先生集 張伯淳

還山遺稿 楊奐

牧菴集 姚燧

安雅堂集 陳旅

圭齋集 歐陽原功

吟歎集 文天祥

湖山類稿 汪元里

滄水集 趙秉文

湛然居士集 耶律楚材

許文正公集 許衡

秋澗集 王惲

松雪齋集 趙孟頫

天慵先生集 熊朋來

歸田類稿 張養浩

石田集 馬祖常

道園學古錄 虞集

秋宜集 揭傒斯

雲林集 貢奎

觀光集 陳孚

薩天錫詩集 薩都刺

圭塘小稿 許有壬

樵川集 黃清老

范德機詩集 范亨

清容居士集 袁桷

至治集 宋大

燕石集 宋鑾

清河集 元明善

玩齋集 貢師泰

栲栳山 張少

傳與礪詩集 傅若金

金臺集 葛羅

五峯集 李孝光

存復齋稿

知非堂稿 何中

秋堂先生記

陳子上存稿 陳高

鯨肯吟 朱晞

秋聲集 黃鎮成

吟 黃文獻

吳文正公集 吳徵

黃文獻公集 黃潛

柳文肅公集 柳貫

吳禮部集 吳師道

吳淵穎集 吳萊

蛻菴集 張翥

黟南集 程文

說學集 危素

近光集 周伯琦

席帽山人集 王逢

張光弼詩集 張昱

清闕閣集 倪瓚

環谷集 汪克寬

東山集 趙沔

復古詩集 楊維禎

麗則遺音 楊維禎

鐵厓樂府 楊維禎

古山樂府 張楚

小山樂府 張可久

明宣宗御製集

誠意伯文集 劉基

潛溪集 宋濂

王忠文公集 王禕

翠屏集 張以寧

西隱集 宋訥

槎翁詩集 劉崧

不齊用 目錄

寄情稿 陳秀民

靜菴集 張羽

春雨齋集 劉彥昂

萍居稿 唐之淳

逃虛子集 姚廣孝

琴軒集 陳璉

素齋集 鄒緝

東里集 楊士奇

毅齋集 王洪

王文端公集 王直

雙厓集 周忱

胡祭酒集 胡儼

缶鳴集 高啟

在野集 袁凱

遜志齋集 方孝孺

誠齋新錄 周憲王

柳庄集 袁珙

胡文穆公集 胡廣

金文靖公集 金幼孜

楊文敏公集 楊榮

巢曉集 曾榮

泉坡集 王英

古廉集 李時勉

王舍人集 王綬

泊菴集 梁潛

頤光先生集 陸顯

網齋集 林環

尚約集 蕭鑑

草廔集 劉溥

古懷集 李賢

月樓稿 倪敬

東井集 陳政

呆齋集 劉定之

篠菴集 張和

郭氏聯珠集 郭武等

高文義集 高穀

坦菴集 梁本之

袁尚寶集 袁忠徹

訥菴集 鄭瑒

錢文肅公集 錢習禮

劉忠愍公集 劉球

黃潭先生詩集 黃訓

退菴集 鄧林

敬軒集 薛瑄

呂文懿公集 呂原

方洲集 張寧

商文毅公集 商輅

類博稿 岳正

韓襄毅公集 韓維

東軒集 韓大年

瓊臺會稿 丘濬

思元集 系懌

彭惠安公集 彭韶

謙齋集 徐溥

柏厓集 張昇

春雨堂稿 陸鈇

懷麓堂集 李東陽

青溪漫稿 倪岳

愧齋集 陳音

篁墩文集 程敏政

楓山集 章懋

未軒集 黃仲昭

函山集 張海

匏翁家藏集 吳寬

石淙稿 楊一清

木翁歸田稿 謝遷

王文恪公集 王鏊

東田漫稿 馬中錫

半江集 趙寬

東山集 劉大夏

古厓集 葉元玉

柴墟集 儲懌

容春堂稿 邵寶

白巖集 喬宇

博趣軒稿 王雲鳳

桃溪淨稿 謝鐸

熊峯集 石瑄

費文憲公摘稿 費宏

戒菴集 靳貴

整菴集 羅欽順

東江集 顧清

少石集 陸鈇

許黃門稿 許天錫

空同集 李夢陽

大復山人集 何景明

華泉集 邊貢

迪功集 徐禎卿

漢陂集 王九思

珠樹館集 李瓚

息園存稿 顧璘

寒松齋集 顧璘

東溪集 熊卓

南濠集 都穆

儉菴疏議 梁材

王氏家藏集 王廷相

何文定公集 何瑋

周恭肅公集 周川

石川集 殷雲霄

四友亭集 張邦奇

韓汝慶集 韓邦靖

嵩洛集 李濂

顧文康公集 顧鼎臣

文成公集 王守仁

前溪集 景暘

烏鼠山人集 胡繼

漁石集 唐龍

升菴集 楊慎

少谷集 鄭善夫

孟有涯集 孟洋

常評事集 常倫

雙溪集 杭淮

南泠集 蔣山卿

儼山集 陸深

梅國集 劉節

上谷稿 周金

東塘集 毛伯溫

龍石集 成名

瑞泉集 南大吉

白泉集 汪文盛

八庄集 周廷用

西原集 薛蕙

人瑞翁集 林春澤

夢澤集 王廷陳

西元集 馬汝驥

東麓菴 汗佃

半洲集 蔡經

元素子集 廖道南

太華集 何棟

龍湖集 張治

鈴山堂 乘嚴嵩

桂文襄公奏議 桂萼

鷗汀集 頓銳

蓉泉集 簡霄

梓谿集 舒芬

拘虛集 陳沂

蒙溪集 胡侍

彭衙集 王誦

周氏家藏集 周祚

泰泉集 黃佐

惜陰小稿 楊旦

張文忠公集 張孚敬

桂洲集 夏言

薇花堂稿 李時

羣玉樓稿 李默

世經堂集 徐階

潘恭定公集 潘恩

甫田集 文徵明

林屋集 蔡羽

疋贅錄 顧夢圭

鄒中憲集 鄒紳

蘇門集 高叔嗣

瓊河集 龔用卿

袁永之集 袁袞

遵巖集 王慎中

少泉集 王格

蘭暉堂集 屠應埈

陸子餘集 陸粲

中知集 李元陽

穀原集 蘇祐

菁陽集 范言

午坡集 江以達

松溪集 程文德

端谿先生集 王世貞

荆川集 唐順之

玉澗堂集 吳下孝

江峯集 呂高

楚開居集 李開元

華陽集 皇甫冲

少元集 皇甫淳

皇甫司勳集 皇甫汭

皇甫水部集 皇甫濂

巖潭集 王延幹

朔野山人集 尹耕

鎮山集 朱衡

古和稿 雷禮

承啟堂集 錢薇

自知堂集 蔡汝楫

西田集 樊深

石城集 許穀

槐野集 王維楨

天山集 何惟栢

兩溪集 駱文盛

具茨集 王立道

清華堂稿 陳鳳

袁文榮公集 袁燾

丘隅集 喬世寧

鶴泉集 王健

王仲山詩集 王問

崇蘭館集 莫如忠

是堂稿 俞憲

白河集 何鄧

霽寰集 吳維嶽

山堂彙稿 王崇古

陸文定公集 陸樹章

山帶閣集 朱日藩

弇州山人集 王世貞

甌甌洞集 吳國倫

四溟山人集 謝榛

太岳集 張居正

夢山集 楊巍

陸莊簡公集 陸光祖

念菴詩集 劉效祖

條麓堂集 張四維

少洲集 馮惟訥

高光州集 高冕

無聞堂稿 趙鈺

滄溟集 李攀龍

王奉常集 王世懋

蘭汀存稿 梁有譽

方麓居士集 王樵

太函集 汪道昆

彭比部集 彭輅

岵唼先生集 張佳魯

修古堂稿 鄭伯興

李太史集 李攀

與鹿集 周詩

錦石齋集 姚汝循

舒司寇奏議 舒化

余文敏公集 余有丁

蘭省稿 郭棻

交翠軒佚稿 周子義

俞仲蔚詩集 俞允文

瑤石山房集 黎民表

太行集 栗應宏

少室山房集 胡應麟

徐文長集 徐潛

伐檀詩集 張元凱

定溪集 方新

存石居士集 沈敬原

賜閒堂集 申時行

青藜閣集 戚元佐

戴司成集 戴洵

震川集 歸有光

歐虞部旅燕稿 歐大任

二酉園集 陳文燭

參龍子集 董穀

止止堂集 戚繼光

野橋集 林垠

貞素堂集 吳擴

十岳山房集 王寅

夢蕉存稿 游潛

揜篔集 陳暹

享帚集 郭文涓

研亭稿 安紹芳

長林存稿 林煇

蟋蟀軒集 劉士驥

萬玉亭集 錢楷

練溪集 凌震

芳潤齋集 鄒佐卿

東雩集 廖希顏

貝葉齋稿 李言恭

長林片葉 魏學禮

西峪集 許倅

新陽館集 劉侃

九芝集 龍膺

復生子稿 陳師

樊氏摘稿 樊阜

文博十集 文彭

華萃錄 支大綸

農丈人集 余寅

息泉摘稿 魏允貞

伯仲連璧集 魏允中

處寶堂集 張鳳翼

止止齋集 丘雲霄

穀城山房集 于慎行

喙鳴集 沈一貫

許文穆公集 許國

田鍾台集 田一儁

黃宗伯集 黃鳳翔

復宿山房集 王家屏

松石齋集 趙用賢

碧山學士集 黃洪憲

東湖先生集 沈懋孝

蠶衣生集 郭子章

燕市集 王穉登

黃孔昭集 黃克晦

白鶴園集 孫元夫

蒼耳齋集 方問孝

市隱園集 費尚伊

快雪堂集 馮夢禎

歇菴集 陶望齡

沈修撰集 沈自邠

北海集 馮琦

李文節公集 李廷機

蒼霞草 葉向高

劉大司成集 劉應秋

玉茗堂集 湯顯祖

德園集 虞淳熙

黃離草 郭正域

考槃寤言 姜應麟

大復山房集 朱長春

占星堂集 唐文獻

翁文簡公集 翁正春

瀟碧堂集 袁宗道

袁中郎集 袁宏道

珂雪齋集 袁中道

澹園集 焦竑

容臺集 董其昌

海目集 區大相

慎軒集 黃輝

小草齋集 謝肇淛

懶真草堂集 顧起元

荷花山房集 陳邦瞻

緱山集 王衡

問次齋稿 公鼐

小東園詩集 公喬

藿園遺稿 李應徵

幔亭集 徐燾

雪廬焚餘稿 趙維寰

寓林集 黃汝亨

鉞園集 陳萬亨

柳堂遺集 胡循嘉

薊丘集 王嘉謨

扣角集 王樂善

博望山人稿 曹履吉

萍浮集 張鳴鳳

白榆集 屠隆

訥齋集 朱維京

吳文恪公集 吳道南

隱秀軒集 鍾惺

妙遠堂集 馬之駿

清權堂集 沈德符

董崇相集 董應舉

半舫集 劉榮嗣

勺園稿 朱萬鍾

王季重集 王思任

景元堂集 高道素

學古緒言 婁堅

三易齋集 唐時升

鏡山集 何喬遠

溪堂稿 林堯俞

大江集 陳衍

松圓浪淘集 程嘉燧

左忠毅公集 左光斗

藏密齋集 魏大中

一書

李文敏公集 李國權

敬事草 孔貞運

侯司成集 侯恪

澤農吟稿 陶允嘉

墨響齋集 吳維英

樸草 于奕正

賁趾山房集 陸啟滋

星帶草堂集 吳天泰

水餐堂稿 范景文

憶草 倪元璐

可經堂集 徐石麒

六柳堂遺稿 袁繼咸

石倉文集 曹學佺

細真館集 陳子龍

狷石居遺稿 譚貞良

陶菴集 黃淳耀

初學集 錢謙益

有學集 錢謙益

稽古堂集 高承埏

梅村集 吳偉業

青箱堂集 王崇簡

愚山集 施閏章

陳檢討集 陳維祿

天啟宮詞 陳棕

雲光集 王處一

雲山集 姬志真

霞外集 馬臻

蒲菴集 釋來復

北游集 釋梵琦

紫柏禪師語錄 釋真可

愁山文錄 釋道清

楚辭 王逸注

風雅逸篇 楊慎

樂府古題妄解 吳兢

古詩紀 馮惟訥

古文苑 章樞注

賦苑 李鴻

唐文粹 姚鉉

文苑英華 宋白等

藝文類聚 歐陽詢

文翰類選 李伯興

萬首唐人絕句 洪邁

唐音統籤 胡震亨

本事詩 孟棻

唐詩紀事 計敏夫

宋名臣經濟奏議 趙汝愚

宋文粹 呂祖謙

翰墨全書 劉應李

下書

目錄

三

中州集 元好問

元文類 蘇天爵

元音 孫原禮

皇元風雅 蔣易

元詩體要 宋公傳

玉山雅集 顧瑛

中州文表 劉昌

宋元詩會 陳焯

詩會箋 程仕

明音類選 黃佐

明詩統 李騰鵬

今雨瑤華 岳岱

國雅 顧起綸

海岳靈秀集 朱觀燿

金華詩萃 阮元聲

列朝詩集 錢謙益

兩朝遺詩 陳濟生

畿輔詩存 王崇簡

七人聯句詩 楊循吉等

美具錄

明疏義輯畧 阮鶚

八科館課

宗禎疏抄 曹溶

元草堂詩餘

太平樂府 楊朝英

中和樂章

樂一羣珠 李開先

彌餘譜 程明善

瑤華集箋 蔣景祁

右鏤板傳抄足本及遺佚不存散見於諸書
引用者凡一千二百三十九種碑幢雜記六
十通

孝宗大紀

介石齋集 先曾祖太傅文恪公著
諱國祚 長洲後學陸肯堂填

東曹筆疏

曼寄軒集 先伯祖尚書公諱大啟

棘崗記

先考晦在府君篋
諱茂暉 甥譚瑄填
西京求舊錄 先本生考安度先生篋
諱茂暉 外孫看沈廷交填

兩朝識小錄 第六叔父官生諱茂驥

闡德錄 第七叔父國子監生諱茂暘

獵碣考異 第八叔父儒學生諱茂皖

石門遺稿 第十三叔父國子監生諱茂駟

五代史注 以下皆彙尊纂述

瀛洲道古錄

吉金貞石志

粉墨春秋

風庭掃葉錄

竹垞文類

右家集一十六部
通計抄撮書一千三百一十五件

目下舊聞卷一

星土

北斗七星是謂帝車運乎中央而臨制四方六曰開陽

亦曰應星主木主燕 大象列星圖

天市垣二十二星東西列各十一星其東垣南第三星

曰燕 宋兩朝天文志

楚南一星曰燕有變動以其國占之 宋史天文志

箕星散為幽州分為燕國 春秋元命苞

箕尾為燕 春秋說題辭

蒼龍七宿有尾有箕氏胸房腹箕所糞也 星經

尾九星如鈎蒼龍尾箕四星形狀如簸箕 丹元子步天歌

漢永元銅儀尾十八度開元游儀景祐測驗同永元銅儀六十度景祐測驗同開元游儀十一度宋史天文志尾漢太初曆洛下閎所測十八度宋皇祐所測十九度崇寧所測十九度少元授時曆郭守敬所測十九度十分箕太初曆十一度皇祐所測十度元豐所測十一度崇寧所測十度半授時曆所測十度四十分古今律曆考

劉向言地分燕地尾箕之分野也自危四度至斗六度謂之析木之漢書地理志燕之分也自危十度至斗七度百三十五分而終曰析木之次於辰在寅謂之攝提格於律為應鐘斗建在亥今燕分野帝世紀

陳卓謂尾箕燕幽也自尾十至南斗十一費直謂起尾九蔡邕謂起尾四玉海

自尾十度至南斗十一度為析木於辰在寅燕之分野屬幽州陳卓范蠡鬼谷先生張良諸葛亮譙周京房張衡並云尾箕燕幽州上谷入尾一度漁陽入尾三度右北平入尾七度涿郡入尾十六度廣陽入箕九度晉書天文志

尾箕析木津也初尾七度中箕五度終南斗八度新唐書志

幽州星分尾箕涿州星分尾宿十六度薊州星分尾宿三度霸州星分箕尾燕州星分尾斗太平寰宇記宛平大興良鄉尾一度通州三河武清尾二度昌平順

義密雲懷柔尾三度涿州房山霸州文安尾四度豐潤
玉田薊州保定尾五度遵化平谷尾七度 清類天文分
野之書

尾箕星曰析木宮曰人馬時曰寅州曰幽 歷代地理指
掌圖

第五尾四足箕四足斗一足在寅歲星位焉其神如弓
故曰人馬宮 文殊所說善惡宿曜經

析木謂之津箕斗之間漢津也 爾雅

析別水木以箕斗之間是天漢之津也 爾雅孫炎注

析木之津劉炫謂是天漢節天河也在箕斗二星之間
箕在東方木位斗在北方水位分析水木以箕星為隔

隔河須津梁以渡故謂此次為析木之津也 爾雅疏

析木燕之分星幽州之星土也 周禮總義

天漢起東方經尾箕之間謂之漢津 晉書天文志

析木為雲漢末派山河極焉故其分野自北河末派窮
北紀之曲東北負海為析木負海者以其雲漢之陰也
唐書天文志

析津本晉薊縣改薊北縣開泰元年更今名以燕分野
旅寅為析木之津故 遼史地理志

野旅寅野謂星野旅謂躔次寅者辰舍東方之位燕分
析津之所也 遼史國語解

星度分野十二次東西南北相反者四疑似者七所可
據者其惟析木乎其宿尾箕亦艮之維燕可以言東北
也 樂軒集

古之人有以天河斷兩界者天猶卯也經星之次環其
四周銀河之所界者半其餘則天市太微位焉故二十
八舍其附于河者三之二沿之河以分其勢稽紫宮以
定其餘有條有次故秦雖西而位坤維之鶉首雲漢之
升兩戒之道也吳雖東南而位坤維之星紀雲漢之降
兩戒之終也燕窮北紀之曲故以末派之析木爲燕蓋
星河之流起于井終于箕則南者反北北者反南矣虞

齊十一葉

袁楠司天臺祭告尾宿文析木天津燕都所次維昔
初基相攸塗墍民用不頗益遐以治靈臺考古庸啟
震悸善言惟從式至易祀清容居士集
建武十二年正月己未小星流百枚以上或西北或正

玉衡第八星主幽州常以五寅日候之史記

壬燕趙亥燕代

漢書天文志

景星見箕尾而慕容德復燕此分野之驗也

禮經會元

世紀

軒轅教熊羆貔貅虎以與炎帝戰於阪泉之野蚩尤

不用帝命史記

黃帝與蚩尤戰於涿鹿之野蚩尤作大霧兵士皆迷於
是作指南車以示四方遂擒蚩尤而卽帝位故後常建
焉古今注

黃帝氏平蚩尤因大霧作指南車飾以文玉其文作蚩
尤形車飾以黍尺度高一尺四寸二分下長七寸四分
管立木口圓徑三寸四分琢玉爲形手常指南足底

通圓窳作旋轉軸踏于蚩尤之上古玉圖考
黃帝用車戰蚩尤用騎戰蚩尤作霧黃帝作指南車廣博物志

黃帝執蚩尤殺之於中黃名之曰絕轡之野汲冢周書
蚩尤庶人之貪者也大 記

涿鹿竿人顛也尚書 倣 帝內傳

帝既殺蚩尤因立臺榭 帝內傳
陳子昂薊丘覽古詩 登薊丘望求古軒轅臺應龍

已不見牧馬空黃埃尚想廣成子遺跡白雲隈陳正字集

李白北風行燭龍棲寒門光曜猶且關日月照之何不及此惟有北風號怒天上來燕山雪花大如席片

光次落軒轅臺李翰林集

黃帝都於涿鹿帝王世紀

高陽氏謂之幽陵遼史

幽陵猶幽州也王逸楚辭注

帝堯中命和叔宅朔方曰幽都尚書

虞舜以天德嗣堯布功散德制禮朔方幽都來服太戴禮記

流其工于幽洲尚書

舜 冀州南北廣大分燕地北為幽州因幽 以為名晉記

北 幽都之山山海經

幽 北幽昧之地也釋名

幽之為言窈也言風出入窈冥敏勁易撓故其氣也

春秋元命苞

夏殷省幽并十道志

殷人南都河南之亳復幽州之名周人又以幽

殷之營州周禮總義

職方氏掌天下之圖辨九州之國使同其利東北曰幽

州周禮

燕曰幽州爾雅

燕其氣深要厥性慄疾故曰幽幽要也李巡爾雅註

燕宛也北方沙漠平廣此地在涿鹿山南宛宛然以為

國都也釋名

職方九州無徐梁而有幽爾雅九州無青梁而有幽

營學林新編

禹貢九州之名舊矣爾雅九州商之制也職方九州周

之制也職方之冀小于禹貢則一分而三也既有冀而

又有幽并故幽州多人禹貢之青徐其山醫無閭在遼

東光武時以遼東屬青州後又屬幽州非幽州入青乎

其澤奚養在長廣其菑菑時菑出萊蕪地理志以長廣

屬徐州琅琊有萊山非幽之入徐乎周禮釋疑

冀在商離而為二故有冀而有幽在周離而為三故有

冀又有幽并周禮全解

武王克殷反商未及下車而封黃帝之後於蓟禮記

周武王滅紂封召公于北燕史記

蓟故燕國召公所封漢書

燕周之分子

殺梁傳

召公奭與周同姓姓姬氏史記

召公奭周之支族古史考

召公文王庶子帝王世紀

左傳富辰言文王之子一十六人無名奭者則召公必

非文王之子尚書正義

黃帝姓姬君奭其後也經典釋文

召公始封蓋在北平無終縣以燕山為名後漸強盛乃

併薊徙居之史記正義

召公奭始食于召後王封之北燕在今幽州薊縣故城

是也史記索隱

輿地廣記云武王封黃帝之後于薊又封召公于北燕

曰黃帝之後封于薊者已絕成王更封召公奭于薊
為薊 鑑地理通釋

薊後改為燕猶唐之為晉荆之為楚詩補傳

契曰 劓芟如車蓋口區無此大者則其名薊恐其因此

夢 手談

按召公所出眾說紛綸當以陸德明為是蓋
樂記所云封黃帝之後于薊者即召公也

齊桓公北伐山戎氏其道過燕燕君逆而出境桓公問

管仲曰諸侯相逆固出境乎管仲曰非天子不出境桓

公曰然則燕君畏而失禮也寡人不道而使燕君失禮

乃劓燕君所至之地以與燕君說苑

魯襄公二十八年夏北燕伯朝于晉

秋左氏傳

二十有九年秋七月齊高止出奔北春秋

昭公三年冬北燕伯欵出奔齊六年冬齊侯伐北燕七

年春王正月暨齊平同上

齊侯次于號燕人行成曰敝邑知罪敢不聽命先君之

敝器請以謝罪二月戊午盟于濡上燕人歸燕姬賂以

瑤瓊玉櫝牟耳不克而還春秋左氏傳

十有二年春齊高偃帥師納北燕伯于陽春秋

燕王噲專任子之已而讓位燕大亂戰國策

齊人伐燕取之諸侯將謀救燕孟子曰王速出令反其

旄倪止其重器謀於燕衆置君而後去之則猶可及止

也 孟子
按孟子所六重器當即曆室之鼎

燕昭王收破燕後卽位卑身厚幣以招賢者戰國策

騶衍如燕昭王擁篲先驅請列弟子之座而受業築碣

石宮身親往師之史記

碣石宮在幽州薊縣西三十里寧臺之東史記正義

陳子昂薊丘覽古詩南登碣石阪一作 遙望黃金臺

丘陵盡喬木昭王安在哉霸圖今已矣驅馬復歸來

陳正字集

燕昭王伐齊得寶器設祭于寧臺史記

望諸君獻書報燕王曰臣奉命擊齊長驅至國珠玉財

寶車甲珍器盡收入燕大呂陳于元英故鼎反平曆室

齊器設于寧臺薊丘之植植于汶篁戰國策

元英曆室燕二宮名在幽州薊縣西四里寧臺之下括

地志

燕以河為境以薊為國襲涿方城殘齊平中山韓非子

燕築長城自造陽至襄平置上谷漁陽右北平遼西遼

東郡史記

燕九世稱侯八世稱公十世稱王風俗通

秦始皇二十一年王賁攻薊乃益發卒詣王翦軍遂破

燕太子軍取燕薊城史記

秦四十郡幽為上谷郡輿地廣記

楚漢之際項羽封臧荼為燕王都薊韓信徇河北荼降

漢太平寰宇記

高帝五年秋七月燕王臧荼反漢書高帝記

溫疥以燕相告燕王荼反封淳侯漢功臣表

高祖自將擊之得燕王臧荼八月立盧縮為燕王史記

六年分燕置涿郡十二年縮降匈奴復封王子建為王

建薨呂后誅建子尋又分燕國之地置涿郡及廣陽國

文帝元年徙瑯琊王劉澤於燕傳國至孫定國免武帝

元狩六年又封王子旦為王後置十三州改為幽州領

郡國十理于此太平寰宇記

城有萬載宮光明殿水經注

按漢書作明光此云光明疑誤

始元中流星下燕萬載宮極東去漢書天文志

燕王旦在明光宮欲入所臥戶三間盡閉使侍者二十

人開戶戶不開論衡

元鳳元年九月燕有黃鼠銜其尾舞王宮端門中王往

視之鼠舞如故王使吏以酒脯祠鼠舞不休一日一夜
死燕刺王旦謀反將死之兆也

漢書五行志

燕刺王旦謀事不成憂懣置酒萬載宮會賓客羣臣妃
妾坐飲有赦令到因迎后姬諸夫人之明光殿

漢書

旦立三十八年而誅國除

同上

改燕國為廣陽郡

太平寰宇記

水經注言秦始皇滅燕以為廣陽郡按史始皇紀三十

六郡無廣陽之名當以昭帝置者為定

北平古今記

宣帝本始元年更為國以封燕刺王太子建為王領縣

四都薊建曾孫嘉王莽時絕

太平寰宇記

涿郡莽曰垣翰屬幽州迺曰迺屏范陽曰順陰良鄉曰

廣陽益昌曰有秩陽鄉曰章武西鄉曰移風上谷郡莽

口朔調屬幽州沮陽曰沮陰昌平曰長昌涿鹿曰拊陸

漁陽郡莽曰北順漁陽曰得漁狐奴曰舉符路曰通路

亭泉州曰泉調庠夷曰敦德獷平曰平獷滑鹽曰匡德

廣陽國莽曰廣有薊曰伐戎陰鄉曰陰順右北平郡俊

靡莽曰俊麻徐無曰北順亭

漢書注

更始二年正月光武以王郎新盛乃北徇薊故廣陽王

子劉接起兵薊中以應郎

後漢書

銚期從徇薊時王郎檄書到薊薊中起兵應郎光武趣

駕出百姓聚觀誼呼滿道遮路不得行期騎馬奮戟瞋

目大呼左右曰趨眾皆披靡及至城門門已閉攻之得

出

後漢銚期傳

濕水東逕廣陽縣故城北謝承後漢書曰世祖與銚期

出薊至廣陽欲南行即此城也謂之小廣陽水經注

耿弇從光武北至薊會中亂光武遂南馳官屬各分散

弇走昌平與景丹寇恂及漁陽兵合軍而南定涿郡遂

及光武于廣阿光武居邯鄲宮弇入造牀下請歸幽州

發兵光武乃拜弇為大將軍與吳漢北發幽州十郡兵

引而南追尤來大槍五幡于元氏光武軍敗還壁范陽

賊退弇從追至容城小廣陽安次連戰破之光武還薊

復遣弇與十三將軍追賊至潞東及平谷再戰遂窮追

于右北平無終土垠之間至浚靡而還後漢耿弇傳

光武帝建武二年二月漁陽太守彭寵反攻幽州牧朱

浮于薊三年三月彭寵陷薊城自立為燕王五年二月

彭寵為其蒼頭所殺漁陽平後漢書

光武封叔父良為廣陽王十五年徙王趙省廣陽合上

谷和帝永安元年復立廣陽郡幽州刺史與郡同理太平寰宇記

京兆第五永為督軍御史使督幽州百官祖餞蔡邕等

皆賦詩高彪獨作箴邕美其文以為莫尚也後漢文苑

傳

光和中漁陽張純誘遼西烏丸丘力居等叛劫畧薊中

三國志

張純自號彌天將軍安定王九州春秋

朝廷以劉虞威信素著恩積北方拜幽州牧虞到薊罷

省屯兵務廣恩信純走出塞虞勸督農植開上谷朝市

之利通漁陽鹽鐵之饒青徐士庶避難歸虞者百萬餘

口 後漢書

是時有四星會于箕尾韓馥稱識云神人將在燕分謂
虞當代立虞以國有正統非人臣所宜言固辭不許吳書

公孫瓚與虞相忤及袁紹戰於界橋軍敗還薊後漢書

瓚於大城東南築小城與虞相近稍相恨望虞懼瓚為

變遂舉兵襲瓚三國志

瓚部曲放散在外自懼敗掘東城門欲走虞兵無部伍

不習戰又愛民屋勅令勿燒故瓚得放火因以精銳衝

突虞眾大潰奔居庸城魏氏春秋

瓚破禽劉虞盡有幽州之地後漢書

建安十八年正月并十四州復為九州三國志

時省幽并州以其郡國并於冀州獻帝春秋

魏明帝太和六年封叔父宇為燕王晉太始初封三帝

子機為燕王機薨無子國除尋改范陽郡曰范陽國分

上谷置廣寧郡乃隸范陽國改右北平為北平而幽州

存焉領郡國七理于涿今范陽縣是也太平寰宇記

王浚領幽州刺史謠曰幽州城門似藏戶中有伏尸王

彭祖晉書

石勒將圖浚引王子春問之對曰幽州謠怪特甚聞者

莫不為之寒心浚曾無懼容亾期至矣勒撫儿笑曰工

彭祖真可禽也於是輕騎襲幽州王勣叱門者開門先

驅牛千數頭聲言上禮實欲劫市街巷使兵不得發

勒以其聽事命甲士執浚驛送襄市斬之同上

勒僭號襄國於薊置幽州於州置燕郡 太平寰宇記

石勒每破一州必簡別衣冠號為君子城泊平幽州擢

荀綽裴憲等還襄國經此俗訛為箕子城 郡國志

鮮卑段遼遣從弟屈雪 或作襲幽州刺史李孟退奔易

京石季龍以支雄為龍驤大將軍姚弋仲為冠軍將軍

統步騎十萬為前鋒伐遼眾次金臺支雄長驅入薊遼

四十餘城並降于季龍支雄攻安次斬其部大夫那樓

奇遼懼奔密雲山季龍遣將軍郭泰等追及之戰於密

雲遼單馬竄險遣子乞特真送表及名馬季龍納之穆

帝永和五年慕容儁僭即燕王位明年率三軍南伐出

自盧龍次於無終石季龍幽州刺史王午棄城走畱其

晉書

慕容儁既即偽位追尊父皝為太祖文皇帝於范陽燕

郡構皝廟以護軍平熙領將作大匠監造焉 州府元龜

燕國都碣石宮漢為薊縣舊置燕都有桑乾水慕容儁

都於此也 通典注

慕容儁之都薊縣也嘗名 宮為碣石故有謂范陽為

渤海間一都會者攷其地理正東去海尚隔唐之漁陽

北十兩郡則姑備美名命之非事實也 程氏禹貢論

薊城南北九里東西七里開十門慕容儁鑄銅為馬因

名銅馬門今大廳前石函長二尺高一丈歷代不敢開

銘曰泰建二年造銅虎符 郡國志

慕容廆初有赭白馬常自乘之既為石虎所圍力弱分

將危陷棄眾將逃以此馬奔而韉之馬見鞍輒 不

得近乃止俄而鄴使至石虎國有難鹿旋歸廣古今

水掖門下舊慕容儁立銅馬象處昔慕容廆有駿馬

曰有奇相逸力至儁光壽元年四十九歲矣而駿逸不

虧儁奇之比以聽命鑄銅以圖其象親為銘贊鐫頌

其旁象成而死矣水經注

儁為苻堅所聖亂慕容垂得其地州郡之名如故

平寰宇記

晉孝武帝太元二十一年八月魏主珪大舉伐燕

馬邑踰句注別遣將軍封真等從東道出軍都襲燕

別思歸

慕容寶聞魏來伐使慕容會率幽并之眾赴中山

太子策及慕容農慕容隆等迎會於薊會迎寶薊南寶分其兵給農隆幽平之士皆懷會成德不樂去之咸請曰清河王天資神武權畧過人臣等與之誓同生死願陛下與皇太子諸王止駕薊宮使王統臣等進解京師之圍晉書

慕容寶至龍城垂舅蘭汗拒之寶南走奔薊汗復遣迎

寶還龍城殺之北史

魏道武破慕容寶復於薊立燕郡又於郡理置幽州太平寰宇記

魏孝文帝太和二十三年幽州民王惠定聚反自稱

明法皇帝刺史李肅捕斬之冊府元龜

宣武帝延昌三年八月幽州沙門劉僧紹聚眾反自號

日下書局

卷一

七

淨居國明汾王州郡捕斬之孝明帝孝昌元年八月杜
洛周反於上谷二年十一月攻陷幽州武泰元年為葛
榮所併孝莊帝永安元年爾朱榮討葛榮韓樓復
據幽州反二年九月大都督侯深破韓樓於薊斬之幽
州平北史

北齊於州置東北道行臺太平寰宇記

天保六年發夫一百八十萬人築長城自幽州北夏口
至恒州九百餘里北齊書

後周改置燕范陽二郡兼立總管府於州隋開皇三年
廢郡所領五縣復屬州總管如故太平寰宇記

開皇長城起嵐州合河縣經幽州皆因古蹟修築元和
通志

場帝初廢總管三年罷州以其地併入涿郡太平寰宇
記

自漢高帝置涿郡而治涿縣晉魏改涿郡曰范陽郡隋

開皇廢范陽郡大業初併燕范陽置涿郡治燕而涿
縣屬焉此郡名廢置徙治離合之辨也通鑑辨誤

大業四年春正月詔河北諸郡男女百餘萬開永濟
渠引沁水南達于河北通涿郡隋書

七年二月帝自江都行幸涿郡御龍島渡河入永濟渠
夏四月車駕至涿郡之臨朔宮通鑑

場帝幸涿郡召王遠知見于臨朔宮帝執弟子禮咨質
仙事唐書方技傳

薊縣有故隋臨朔宮唐書地理志注

秋七月發江淮以南民夫及船運黎陽及洛口諸倉米至涿郡舳舻相次千餘里通鑑

八年春正月四方兵皆集涿郡凡一百一十三萬三千八百人號二百萬其餽運者倍之宜社于南桑乾水上

類上帝于臨朔宮南祭馬祖于薊城北同土九年春正月徵天下兵募民為驍果集于涿郡隋書

帝自將擊高麗通鑑綱

大業七年以後初有遼東之役又發丁壯為驍果又送驢馬于涿郡又發丁壯率船滄海又發五穀雜種牛皮

鐵炭飛輓千具加

帝伐高麗器械資以皆積于涿郡涿郡人物殷阜屯兵數萬又臨朔宮多珍寶諸賊競來侵掠留守官處賁郎

將趙什住等不能拒惟雲陽羅藝獨出戰前後破賊甚衆什住等陰忌之藝宣言激其衆曰吾輩討賊數有功

城中倉庫山積制在留守之官莫肯散施以濟貧乏將何以勸士衆皆憤怨軍還郡丞出城候藝藝因執之陳

兵而入什住等懼皆聽命乃發庫物以賜戰士開倉廩以賑貧乏殺不同已者藝自稱幽州總管通鑑

張道源撫輯山東諭藝降武德二年乃奉表以地歸詔封燕王新唐書列傳

幽州總管府管幽易平檀燕北燕營遼八州領薊良鄉潞固安雍奴安次昌平八縣又分潞縣置立州領一縣

隸總管四年竇建德平以固安縣屬北義州六年改總管為大總管管三十九州七年改為大都督府又改涿

日下舊聞 卷一 三

縣爲范陽九年改大都督幽易景瀛東鹽滄滿蠡北義
燕營遼平檀玄北燕等十七州貞觀元年廢玄州以漁
陽潞二縣來屬又廢北義州以固安來屬八年又置歸
義縣督幽易燕北燕平檀六州乾封五年置無終縣如
意元年分置武隆縣景龍三年分置三河縣

太平寰宇

開元元年幽州置防禦大使二年置幽州節度諸州軍
管內經畧鎮守大使領幽易平檀媯燕六州治幽州八
年幽州節度兼本軍州經畧大使并節度河北諸軍大
使

新唐書方鎮表

十三年陞爲大都督府十八年割漁陽玉田三河三縣
置薊州

太平寰宇記

幽州節度增領滄薊二州二十年幽州節度使兼河北
採訪處置使增領衛相洛貝冀魏深趙恒定邢德博棣
營鄭十六州及安東都護府二十七年幽州節度使增
領河北海運使二十九年幽州節度使領平盧軍節度
副使治順化州

新唐書表

天寶元年正月置十節度經畧使以備邊

通鑑

更幽州節度使爲范陽節度使

新唐書表

范陽節度臨制奚契丹統經畧威武清巨靜塞恒陽北
平高陽唐興橫海九軍屯幽薊媯檀易恒定莫滄九州
之境治幽州兵九萬一千四百人

通鑑

幽州范陽郡有府十四曰呂平涿城德聞潞城樂上清
化洪源良鄉開福政和停驂柘河良杜咸寧城內有經

畧軍又有納降軍本納降守捉城故丁零川也西南有
安塞軍有赫連城有宗王乾澗殄寇三鎮城石堆車坊
蒿城河旁四戍檀州密雲郡有威武軍萬歲通天元年
置本漁陽開元十九年更名又有鎮遠軍故黑城川也
有三又城橫山城米城有大王北來保要鹿固赤城邀
鹵石子甌七鎮有臨河黃崖二戍薊州漁陽郡有府二
曰漁陽臨渠南二里有靜塞軍本障塞軍開元十九
年更名又有雄武軍故廣漢川也東北九十里洪
水
守捉又東北三十里有鹽城守捉又東北渡灤河有古
盧龍鎮又有斗陘鎮自古盧龍北經九荆嶺受米城張
洪隘度石嶺至奚王帳六百里又東北行傍吐護真河
五百里至奚契丹衙帳又北百里至室韋帳

新唐書地

理志注

經畧軍在幽州城內兵三萬人威武軍在檀州城內兵
萬人清已軍在媯州城內兵萬人靜塞軍在薊州城內
兵萬六千人

通鑑注

三以平盧節度使安祿山兼范陽節度使

通鑑

十五載安祿山僞卽帝位國曰大燕以范陽爲大都署
其城東隅私第爲潛龍宮

安祿山事迹

安祿山反於幽州南向京輔白居易歌之以爲漁陽鼙

通鑑注

鼓動地來漁陽卽謂幽州唐人多言之
祿山父子僭位凡三年而滅至德二載史思明奉十三
郡兵八萬籍歸於朝

新唐書

乾元元年復爲幽州

太平寰宇記

二年正月思明僭稱大聖周王四月更國號大燕自稱應天皇帝號范陽為燕京

新唐書

史朝義殺思明僭位以偽太常卿李懷仙為范陽節度使懷仙以薊縣為節度院

薊門紀亂

寶應元年范陽節度使復為幽州節度使及平盧陷又兼盧龍節度使

新唐書表

廣德元年李懷仙因中使駱奉仙請降遣兵馬使李抱忠將兵鎮范陽縣朝義至范陽不得入

通鑑

朝義東投廣陽郡不受北取潞縣漁陽擬投兩蕃至渝關懷仙使使召回郤至漁陽過從潞縣至幽州城東阿

漣門外於醫無閭神廟中被絞縊死

河洛春秋

李懷仙盡以所管來降

唐曆

閏月李懷仙仍故地為幽州盧龍節度使四月制分河

通鑑

札諸州以幽莫為檀平薊為幽州管

大曆三年朱希彩朱泚泚弟滔共斬懷仙希彩自稱留後詔領節度其下李瑗殺之推朱泚為留後泚入朝以滔權知留後遂領節度滔以祿山思明皆起燕俄覆滅

惡其名以冀堯所都因號冀僭為王改幽州為范陽府

新唐書

建中三年幽州節度復領德棣二州

新唐書表

滔死軍中推劉怵總軍事俄詔為節度副大使怵卒子濟嗣節度濟次子總竄壽濟飲而死即領軍政詔嗣節度上疏願奉朝請且欲割所治為三以幽涿營為一府請張弘靖治之瀛莫為一府盧士玫治之平薊為一府

一尉薛平治之穆宗欲寵弘靖故全付總地拜總檢校
司徒兼侍中賜浮屠服號大覺榜其第為佛祠總已自
髡祝讓節賊俄幽州亂因弘靖詔以劉悟為節度使而
瀛冀皆附朱克融悟不得入朝廷度幽薊未可復取乃
拜克融為幽州盧龍節度使

新唐書列傳

長慶元年幽州節度罷領瀛莫二州置瀛莫節度使二
年幽州節度復領瀛莫二用

新唐書表

是年軍亂殺克融次子延嗣領雷後大將李載義殺而
代之敬宗即授盧龍軍節度使大和四年為兵馬司楊
志誠所逐文宗用志誠為雷後俄擢節度副大使八年
為下所逐部將史元忠總雷後明年為副大使會昌初
為備將陳行泰所殺遷節制未報次將張絳殺行泰武

宗用張仲武代之大中初卒子直方襲節度雷後俄進
副大使舉動多不法畏變起奔京師軍中以張允伸總
後務未幾為節度使咸通十二年以疾上節印詔以子
簡會為副大使而軍中推張公素為雷後簡會出奔詔
公素為節度使為李茂勳所襲奔京師茂勳入府眾推
主州務以聞詔即拜節度使俄以病表子可舉代遂領
雷後進節度使可舉死眾推李全忠為雷後光啟元年
拜節度使未幾卒子匡威領雷後進為使李克用伐王
鎔匡威自將援鎔其弟匡籌據城自稱雷後天子即授
為節度使克用攻匡籌下武媯二州敗匡籌於居庸關
匡籌遁去幽州地歸克用劉仁恭入城封府庫以待克
用悅雷仁恭守之乾元元年表為盧龍軍節度使

新唐

劉仁恭微時曾夢佛幡於手指飛出占者曰君年四十

北夢瑣言

九必有旌幢之貴後如其說果為幽帥焉
仁恭子守光梁開平元年自外將兵入自稱盧龍節度使執仁恭而幽之乾化元年自稱大燕皇帝改元曰應

天五代史

幽州劉守光錢面文曰應天元寶背曰万泉志

五代史

明年晉遣周德威會鎮定兵攻燕
守光遣其將單廷珪出戰與德威遇于龍頭岡德威奮搥擊廷珪墜馬生擒置於軍門三年正月拔燕順州三月拔安遠軍檀州刺史陳確以城降三月拔蘆臺軍克古北口李嗣源進攻儒州拔之四月德威進軍逼幽州

南門劉光睿拔燕平州十月守光率眾五千夜出將

檀州德威自涿州引兵邀擊大破之守光以百餘騎逃

歸幽州盧龍巡屬皆入於晉守光獨守幽州求援於契

丹契丹以其無信不救十一月晉王自詣幽州單騎抵

城下謂守光曰朱温篡逆予本與公合河朔五鎮之兵

興復唐祚公謀之不臧乃效彼狂僭是以有今日之役

諸軍四面攻城克之禽仁恭守光亡去晉王入幽州以

周德威為盧龍節度使守光將奔滄州迷失道至燕東

之境禽之晉王發幽州仁恭父子皆荷校於露布之下

以練紆仁恭父子凱歌入於晉陽通鑑

盧龍藩鎮二十八易帥歷一百四十八年寰宇分合志

契丹當莊宗明宗時攻陷營平二州及已立晉又得雁

門以北幽州節度管內合一十六州乃以幽州為燕京
更其國曰大遼五代史

阿保機稱帝援立晉名得其所割雁門以北幽州節度
管四十六州其地東北有盧龍塞西北有居庸關中國
以此以為限界自十六州既割之後河北盡屬平地無
險可以拒守矣北邊備對

天顯十三年以幽州為南京開泰元年改幽都府為析

津府析津縣幽都縣為宛平縣遼史

南京本幽州地自晉割棄建為南京又為燕析津府

置都總管府即制馬步軍控鶴指揮使都統與司牛欄

監軍砦石門計穩司北皮室司猛拽刺司並隸總管

府備禦未契丹志

永為化外州安東上都護府領羈縻州十四九域志

太平興國四年六月庚申車駕北征丁卯次岐溝關戊

辰上次涿州己巳次鹽溝庚午至幽州城南駐蹕寶光

寺癸未幸城西隅督諸將攻城命曹翰米信率兵屯東

南隅軍士掘纜以獻翰謂諸將曰水物而陸居失其所

也且多足慮救將至又蟹者解也其班師乎甲申上以

幽州城踰旬不下遂詔班師太平治述統類

太宗征幽州曹翰為東路豪寨總管善風角一夕角聲

送風至帳翰促環帶曰寇至之兆也未幾果然大敗

寇兵於城下玉壺清話

永熙既下并州欲乘勝收復薊門咨于眾叅知政事趙

昌言曰此取幽州猶熱鐵翻餅耳殿前都指揮使

呼延贊爭曰書生之言不足盡信此餅難翻永熙竟趨

幽燕卷甲而還卒如贊言

塵史

太宗自帝自并門分直趨燕契丹甘心沙漠遯矣

有赦例鄂于越者請得五千騎以嘗王師不成退人

未晚從之乃騎持一幟由間道邀我歸路周環往來晝

夜不絕帝疑救兵大至宵歸定州

王氏明兒近錄

雍熙三年詔曹彬將幽州水陸之師與

潘美等北伐敗契丹於固安外又與米信破契丹

於新城戰於岐溝關我師收績東都事畧

宣和四年九月己卯郭藥師以涿州來降以其軍八千

隸劉延慶為鄉導癸未遼蕭后遣使納稱臣九朝編

年備要

郭藥師

匹軍薦授殿直從征女真績前後功

摧守江

勿州降宋藥師有意歸明時軍蕭幹

聞我軍

自燕來涿州藥師以為圖已興張令

徽劉舜臣

臣龔詵趙瑄韓璧謀叛已決召蕭幹開

宴欵密說其歸宋謂幹必從幹怒曰豈可背朝廷邪藥

師念恩不敢害幹幹所領軍無多慮禍及遽啟鑰

而去藥師所部諭曰天祚生國天下分崩宋天子以

好生之德弔民伐罪車兵已下勿州此男子取金印大

如斗時也眾皆響應遂囚監軍等遣團練使

鶴壽帥精兵八千鐵騎五百州人民奉表來降

表曰臣生幽昧之鄉未被文明之化思戴日何啻望

寬邇者天祚皇帝怠棄鑿輿越在艸莽萬姓無依棲之

地五都有板蕩之厄雖宣宗嗣國旋致奄忽女后攝政
尤難撫綏誠天命之有歸非人力之能致臣等縱屬多
難莫生異心蓋所居父母之邦不可廢臣子之節今契
丹自爲戎首苟忿姦謀燔燒我里廬虔劉我士女報之
以德撫乃以讐以是思戴舜以同心耻助桀而爲虐今
將所管押馬步軍用申懇悃伏願皇帝特開天地之恩
許入風雲之會實所願也非敢望焉宣和四年九月十
日 燕雲奉使錄

蕭后 帛勝軍降甚懼召蕃漢百官議曰易州高鳳涿
州郭藥師歸十人余入奉州國步艱難宗社
將覆今與卿去就兩國孰可作石納欵臣屬亦無
憾也或謂金強且附之或謂遼宋百年信誓可依

后曰二說皆是遂遣同中書門下平章事張言尚書都
官員外郎張僅使金永昌宮使蕭容乾文閣待制韓昉
使本朝皆奉表稱臣蕭后表曰遼國后妾蕭氏言蓋
聞 湯納行繫衆克而畢會太陽舒昭豈燭火以猶飛
方天下之大同故尸八之有作拊心悼往飲泣陳辭伏
念妾先世乘唐晉之季年割燕雲之外地暨逢聖運已
受齊盟義薦一家誓傳百禩孰謂天心改卜國步多艱
先王遇板蕩之餘勵興復之志始歷推戴奄致淪殂爰
屬俾嫠俾續禴祀常欲引干戈而自衛與社稷借亾
伏念生靈罹此塗炭與其陷執迷之咎曷若爲奉上之
勤伏遇皇帝陛下四海宅心兆人爲命敷文德以柔遠
奮武烈以訓時必將拯救黎元混一區宇仰承嚴命敢

稽歸欵之誠庶保餘生尤荷永綏之惠德
元年九月十日封氏編年

郭藥師者渤海鐵州人契丹以為裨將領常勝軍本謂之怨軍始遼人征伐女真為女真所敗多殺其父兄乃立是軍使之報怨然女真入則怨軍從之為亂退則復服初未嘗報怨也藥師見遼將亡遂首以涿州來降其下有四將號風官每風五百人常月軍本二千人爾本朝收復之後增至二萬其後又增五萬北盟會編
蕭容韓昉至雄州童貫蔡攸以其所上表不納土止納欵摩而去之昉曰納欵即納土也契丹種類雜未易圖朝廷當思兩全無貽後悔乃以蕭后表馳奏同上
御筆賜涿易八州各改燕京為燕山府同上

改燕京為燕山府又改郡曰廣陽節度曰永清軍紀纂淵海

十月劉延慶議入燕之策郭藥師進曰契丹四軍以全師抗我燕山可搗虛而入宜選輕騎由固安渡盧水至安次徑赴燕城可得也乃命趙鶴壽等夜半渡河銜枚倍道至三家店駐軍次日藥師遣甄五臣領常勝軍五千人雜郊民奪迎春門以入大軍繼至陣於憫忠寺北盟會編

藥師遣人諭蕭后降不從合戰至晚不解蕭幹亟來救或告藥師城外塵起必有救兵至諸將皆謂延慶遣兵來助登高望之則燕王家上立四軍旗矣四軍兵自南門入人皆死鬪藥師屢敗奔門不得出盡棄馬縋城而



下還者數百騎而已九朝編年備要

蕭幹者本奚人番名夔離不常統契丹渤海奚漢兒四色軍馬故號四軍大王謀夏錄

是時偏師雖入燕城大軍屯盧溝未動延慶聞燕城復失又琉璃河護糧將王淵亦陷于賊求自遁之計召諸將諭以糧餉不繼不即引還久恐生變次日燒營及輜重奔還師大潰封氏編年

延慶既潰阿骨打以全師自居庸關入四軍大王奉蕭后由松吉關遁北征紀實

宣和五年夏四月金人來歸燕京六州九朝編年備要燕之地易州西北乃金城關昌平之西乃居庸關順州之北乃古北口景州東北乃松亭關平州之東乃渝

關凡此數關一夫禦之可以當百朝廷之割地若得諸關則燕山之境可保矣然關內之地平灤營三州自後唐為契丹所陷後改平州為遼興府以營灤二州隸之號為平州路至百晉之初耶律德光又得燕山檀順景薊涿易諸郡建燕山為燕京以轄六郡號為燕京路而與平州自成兩路朝廷始議割地但云燕雲兩路而已初謂燕山路盡得關內之地殊不知關內之平州與燕山異路也由是破遼之後金人復得平州路金既據平州則關內之地蕃漢雜處欲無侵漁之患得乎故幹離不自平州人寇此則當時議割燕雲不明地理之誤也金節要

王安中罷中書左丞授慶遠軍節度使河北燕山府路

宣撫使兼知燕山府制曰惟燕山之作屏應析木以奠
方念撫綏之維新在阜成之有術雲霓之蘇大旱爰契
羣情文武之憲萬邦適符予欲特輟政機之要出臨朔
塞之雄宰輔編年錄

安中行上悉出內府金玉器及餅鑪硯几之屬畢備使
至燕陳于州寢以誇大馬北盟會編

初得燕山以蔡靖為大帥用降將郭藥師副之藥師每
偽出獵動逾旬日與金人通謀靖察其意逆料其必叛

屢言于朝李邦彥等專事蒙蔽奏每不達靖康小錄

七年十二月幹離不寇燕山郭藥師率麾下兵四萬又
起涿易州兵三萬戰於潞縣藥師大敗引數騎走至燕
山伏壯士於後圍擒守臣蔡靖及兵將官降於金燕山

諸郡皆陷東都事畧

藥師令儒林郎王樞草降表畧云臣素提一旅之師
遭百六之運大金有難通之路亡遼無可事之君奉
載嘉秦官是與念一飯之恩必報而六尺之軀可捐
知上帝之是依敢忘困獸之猶鬪昔也東征雖雷霆之
怒可犯今也北面祈天地之并容 陷燕記
廢帝築燕京改名曰永安以析津府為大興府元史
方輿勝覽

海陵煬王天德三年三月詔尚書右丞張浩等增廣燕
城建宮室四月詔遷都燕京有司圖上燕城宮室制度
營建陰陽五姓所宜海陵曰國家吉凶在德不在地使
桀紂居之雖卜美地何益使堯舜居之何用卜為金史

燕展築南城係金海陵天德二年見蔡無可大覺寺碑

海陵貞元元年定都以燕乃列國之名不當為京師號
遂改為聖都尋改中都金史

正隆四年二月修中都城同上

初忠獻王粘罕有志都燕因遼人宮闕于內城外築四
城每城各三里前後各一門樓櫓池塹一如邊城每城
之內立倉廩甲仗庫各穿複道與內城通時陳王兀室
將軍韓常婁宿皆笑其過計忠獻曰百年間當以吾言
為信及海陵王定都既營宮室欲撤其城翟天禮曰
忠獻開

指置必有說乃止
二十七里樓臺高四十尺樓計九百一

重城開八門許奉使行程錄

克燕初為燕市路總管大興府太宗七年
籍世祖至元元年中書省臣言開平府闕庭所在

號上都燕京分立省部亦乞正名遂改中都其大興
府仍舊四年始于中都之東北置今城而遷都焉九年
改大都十九年置留守司元史

劉太保遷元京北城取居庸關水城與稍潤其土然
不及百年禍變亦作豈地數有限而致然耶草木子

至元二十年崔彥上疏言大都非如上都止備巡幸不
應立留守司宜置總管府元史本傳

王暉復隍詣南城囂囂足汗穢既建神都風土美燕
人重遷朽厥載睿意作新思有泚一朝詔徙殊井疆

九陌香生通戚里煬城密邇不剗去適足囊女養狐
虺城復池隍莫歎嗟一廢一興固常理今年戊子冬
十月天氣未寒無雨雪禁軍指顧舊築空郊遂坦屺
無壅隔寂寞千門草棘荒他年空有銅駝說我詩雖
小亦王風庶配商盤歌

集

按元史地理志至元四年始於中都之東北
置今城而遷都焉世祖本紀至元二十年六
月發軍修完大都城而王秋澗詩則一今年
戊子冬十月是至元二十五年矣與史不合

二十一年置大都路總管府

元史

元領大興府一通薊涿薊雄易保遂安肅五州立順天路後又省安
辛丑年割出雄易保遂安肅五州立順天路後又省安

次縣為東安州固安縣為固安州灤陰縣為灤州以香

河武清二縣隸于灤以雄易二州並來屬遂領涿薊通

薊灤雄易檀順東安固安州十一至元二十三年割出

雄易二州屬保定今領府一州九

元混一方輿勝覽

元世祖定大興府為大都開平府為上都每年四月迤

北草青則駕幸上都避暑頒賜於其

馬亦就水草

八月草將枯則駕回大都雖每歲往來於兩都間他無

巡狩之事山岳河海惟遣使致祭別無封禪繁縟之禮

也

草木子

洪武元年八月大將軍信國公徐達副將軍鄂國公常
遇春偏將軍傅友德康茂才薛顯等克元都師至齊仲
門將軍尹堅執長刀突陣生禽元金虎符兩將元兵辟

易遂命將填壕登城而入啟運錄

大將軍徐達命指揮華雲龍經理故元都新築城垣南北取徑直東西長一千八百九十丈又令指揮張煥計度故元皇城周圍一千二百六丈又令指揮葉國珍計度南城周圍凡五千三百二十八丈南城故金時舊基也明太祖實錄

南城在今城西南唐幽州藩鎮城及遼金故都城也隋之天寧寺舊在城中今在城外矣憫忠寺有唐景福元年重藏舍利記其銘曰大燕城內地東南隅有憫忠寺門臨康衢憫忠寺舊在城中東南今在城外西南僻境矣春明夢餘錄

劉崧燕城雜詩南城土垣故不塌西宮渠水自相通

野蘆花似楊花白藥木葉如楓葉紅菜根磊磊紅蘿
葛草子嘽嘽白蒺藜東薊直通齊化外南城更在順

承西槎翁身

按隋之幽州洪業寺在城內唐之幽州憫忠寺在城東南隅遼之南京因之康熙辛酉西安門內有中官治宅掘地誤發古墓中有瓦罍一瓦罍一墓石二方廣各一尺二寸一刻卞氏墓誌四字環列十二辰相皆獸首人身一刻誌銘而書作誌誌題曰大唐故濮陽卞氏墓誌誌文曰貞元十五年歲次己卯七月癸卯朔夫人寢疾卒於幽州薊縣薊北坊以其年權窆於幽州幽都東北五里禮賢鄉之

平原是今之西安門去唐幽州城東北五里而遙矣金拓南城時妝臺在城之東北至於元之中都則今德勝安定東直三門外皆城中地而白馬廟瓊華島妝臺太液池柴市憫忠寺大悲閣咸在南城迨徐武寧又改築縮其北五里廢光熙肅清二門規制差隘永樂中重拓南城然憫忠寺大悲閣仍限門外蓋都城凡數徙坊市變置代有不同閱絳雲樓書目有皇元建都記及蕭洵故宮遺錄二編惜燔於火今博訪未得金元之遺蹟遂多湮滅而無徵矣

詔改元都為北平府設北平行中書省并置燕山大興

永清等六衛隸兵三萬命指揮副使孫典祖華雲龍兼

北平行省叅知政事守之

啟運錄

九月大將軍徐達改故元都安貞門為安定門健德門為德勝門是月置大都督分府於北平

隸山東

明太祖實錄

洪武初改大都路為北平府縮其城之北五里廢東西之北光熙肅清二門其九門俱仍舊

寰宇通志

改湖廣行省叅政趙耀為北平行省叅政耀嘗從徐達取元都習知其風土民情邊事緩急上命改授北平且俾守護王府宮室耀因奏進工部尚書張允所取北平宮室圖上覽之令依元舊皇基改造王府三年七月詔建諸王府工部尚書張允言燕國用元舊內殿上

其奏 實錄

洪武四年魏國公徐達駐師北平以沙漠遺民屯北平府管內之地大興四十九屯宛平四十一屯良鄉二十三屯固安三十七屯通州八屯三河二十六屯灤縣九屯武清一十五屯薊州一十屯昌平二十六屯順義一十屯凡屯二百五十有四 同上

九年革行省設承宣布政使司 奉明夢餘錄

十二年十一月燕府營造訖工繪圖以進其制社稷山川二壇在王城門之右王城四門東曰體仁西曰遵義南曰端禮北曰廣智門櫺廊廡二百七十二間中曰承運殿十一間後為圓殿次曰存心殿各九間承運殿之兩廡為左右二殿 存心承運周圍兩廡至承運門為

屋百三十八間殿之後為前中後三宮各九間宮門兩廂等室九十九間王城之外周垣四門其南曰靈星餘三門同王城門名周垣之內堂庫等室一百三十八間凡為宮殿室屋八百一十一間 實錄

十三年三月燕王之國 同上

建文元年秋七月燕府靖難兵起夜攻下九門都指揮使馬宣卷戰不勝走薊州僉瑄走居庸關都督宋忠帥師次居庸退保懷來通州衛指揮房勝遵化衛指揮蔣玉密雲衛指揮鄭亨各以城叛降燕 建文書表擬

十月李景隆徵兵諸路合五十萬引兵 海橋遂圍北平築九壘于九門又結九營于鄭村壩景隆攻麗正門幾破城中婦女 無 鄒瓦石景隆令不嚴驟退北

平守益堅

革除備遺錄

十一月景隆遣都督陳暉領哨騎渡白河燕王率精騎

薛祿等逆擊之暉敗乃率精銳攻二營盡殲之攻七

營遂逼景隆營景隆不能支宵遁文朝野彙

永樂元年正月禮部尚書李至剛言自昔帝王或起

布衣平定天下或由外藩入承大肇迹之地皆

有升崇竊見北平布政司實皇上運興王之地宜遵

太祖高皇帝中都之制立為京都曰可其以北平為

北京成祖實錄

改北平府為順天府同上

四年閏七月淇國公丘福等請建

京宮殿備巡幸

朝典彙

七年六月修安定門城池實錄

十四年十一月復詔羣臣議營建北京先是車駕至自

北京工部奏請擇日興工上以營建事重乃命文武羣

臣復議于是公侯伯五軍都督及在京都指揮指揮等

官上疏曰臣等切惟北京河山鞏固水甘土厚民俗悖

樸物產豐富誠天府之國帝王之都也皇上營建北京

為子孫帝王萬世之業凡年車駕巡狩海會同人

心協和嘉瑞駢集天運維新實兆于此河道疏通漕運

日廣商賈輻輳財貨充盈良材巨木已集京師天下軍

民樂於趨事揆之天時察之人事富為而不可緩

伏乞上順天心下從民望早勅所司興工營建天下幸

甚六部都察院大理寺通政司太常寺等衙門尚書者

下傳聞

卷一

三

御史等官復上疏曰伏惟北京聖上龍興之地北枕居庸西峙太行東德山海南俯中原沃壤千里山川形勝誠帝王萬世之都昔太祖高皇帝削平海宇以其地分封陛下誠有待於今日陛下嗣太祖之位卽位之初嘗陞爲北京而宮殿未建文武群臣合詞奏請已蒙俞允所司掄材用廣宮民樂于趨事良材大木不勞而集比年聖駕巡狩萬國來同民物阜成禎祥協應天意人心昭然可見然陛下重于勞民延緩至今臣等切惟宗社大計正陛下當爲之時况今漕運已通儲蓄克溢材用具備軍民一心營建之辰天實啟之伏乞早賜聖斷勅所司擇日興工以成國家悠久之計以副臣民之望上從之同上

十七年十一月拓北京南城計二千七百餘丈同上北京營建凡廟社郊祀壇場宮殿門闕規制悉如南京而高敞壯麗過之復於皇城東南建皇太孫宮東安門外建十五邸通爲屋八千三百五十楹自永樂十五年六月興工至十八年冬告成詔曰開基創業興王之本爲先繼體守成經國之宜尤重昔朕皇考太祖高皇帝受天明命建都江左以肇邦基肆朕繼承大統惟懷永圖眷茲北京實爲都會地勢雄偉山川鞏固四方萬國道里適均惟天意之所屬實卜筮之攸同乃倣古制徇輿情立兩京置郊社宗廟創建宮室上以紹皇考太祖高皇帝之先志下以開子孫萬世之弘規且於巡狩駐守實有便焉爰自營建以來天下軍民樂於趨事天人

協贊景貺駢臻今工已告成選十九年正月朔旦御奉
天殿朝百官誕新治理用致雍熙於戲天地清寧衍宗
社萬年之福山河綏靖隆古今全盛之基乃命禮部正
北京爲京師不稱行在同上

京師大城一重周四十五里九門城周正如印南正陽
崇文宣武東朝陽東直西阜城西直北德勝安定大城
內爲皇城皇城六門大明南向直正陽門東安直朝陽
門西安直阜城門北安當德勝門大明東轉長安左門
西轉長安右門於京城正中皇城內樹色菁葱梁恩金
雀人騎馬上可望也城外紅舖七十二禁軍守之皇城
內爲宮城八門正南第一重曰承天之門二重曰端門
三重曰午門午門魏闕分焉曰左掖門右掖門正南有

五門也東曰東華西曰西華北曰元武周迴紅舖三十
六亦禁軍守之城河遶焉舊京遺事

洪熙元年三月命諸司在北京者仍加行在二字仁宗實錄

宣德九年七月命都督僉事王彥以五軍神機營官軍
及民夫修北京城垣宣宗實錄

正統元年十月命太監阮安都督同知沈青少保工部
尚書吳中率軍夫數萬人修建京師九門城樓初京城
因元之舊永樂中雖畧加改葺然月城樓舖之制多未
備至是始命修之英宗實錄

命下之初工部侍郎蔡信颺言於衆曰役大非徵十八
萬人不可材木諸費稱是上遂命太監阮安董其役取

京師聚操之卒萬餘停操而用之厚其餼廩均其勞逸
材木諸費一出公府之所有有司不預百姓不知而歲
中告成 東里集

阮安交趾人一名阿雷刻有營建記 春明燕餘錄

四年四月修造京師門樓城壕橋閘完正陽門正樓一
月城中左右樓各一崇文宣武朝陽阜成東直西直安
定德勝八門各正樓一月城樓一各門外立牌樓
隅立角樓又深其濠兩涯悉甃以磚石九門舊有
今悉撤之易以石兩橋之間各有水閘濠水自城西北
隅環城而東歷九橋九閘從城東南隅流出大通橋而
去自正統二年正月興工至是始畢煥然金湯鞏足
以聳萬國之瞻矣 實錄

江寧波府知府鄭珞言國家肇建兩京

制 太宗皇帝定鼎北京以來四聖相承正南

切萬方四十年於茲矣而諸司文移印章尚仍行在

府 實未當請正名京師其南京諸司宜改曰南京

某府某部於理為得是年十一月朔上御奉天殿大赦

天下改給兩京文武衙門印北京諸衙門去行在二字

南京諸衙門增南京二字 同上

北京之為京師不復稱行在也蓋自正統辛酉始也今

京師城垣其外舊固以甃石內惟土築遇雨輒頽正統

十年六月命太監阮安成國公朱勇修武伯沈榮尚書

王忞侍郎王祐督工甃之 實錄

岳正天眷六章美營建也天眷皇明誕命高祖俯臨
萬方定都江滸如龍斯蟠如虎斯踞以朝以會以享
以祀述矣厥謨欽於世世天眷皇明亦啟文祖爲臨
孫謀聿又胥宇碣石之西太行之東有嚴厥宮四海
是同維帝卽祚夙夜顧謐神卽受歲民亦冒祉乃繼
乃述乃經乃營戢此土功爲萬國宗乃召大臣出任
予重口若爾總曰若爾董役夫總紘一師縱縱罄訃
謹謹人心悃悃有赫朝堂有翼廟廷瑣瑣公之歛忽
偕興士方耕矣女方篋矣曾不爲矣奏功成六匪臣
之功伊民之力匪民之力維帝之德帝曰匪予文祖
之志天相文祖爛其營室類傳稿
陳政正統癸亥營建紀成詩昭代承平日車書萬國

同華一聖至德民物圉淳風土宇今何廣京師昔所
崇龍飛乘大運鳩聚役群工郢也搯戩弁垂哉主斲
礪經營來子庶奄忽見神功日月光三殿乾坤闢兩
宮巍峩齊景毫輝赫追畋豐帝業垂無極人心仰建
中賦詩紀成績三祝效呼嵩東井集

成化十二年八月定西侯蔣琬上言太祖皇帝肇建南
京京城之外復築土城以護居民誠萬世不拔之基也
今北京止有內城而無外城正統己巳之變也先長驅
直至城下衆庶奔竄內無所容前事可鑒也且承平日
久聚衆益繁思爲憂患之防須及豐亨之日况西北一
帶前代舊址猶存若行勸募之令加以工罰之徒計其
成功不日可待廷議謂築城之役宜俟軍民息肩之日

舉行報可憲宗實錄

嘉靖二十一年七月時邊報日至掌都察院毛伯溫等言古者有城必有郭城以衛民郭以衛城太祖定鼎南京既建內城復設羅城于外成祖遷都金臺當時內城足居所以外城未立今城外之民始倍城中二患豫防豈容或緩臣等以為宜築外城上然之勅會同戶工二部速議給事中劉養直言諸臣議築外城慮非不遠但宜築於無事之時不可築於多事之際因止二十九年命侍郎張時徹梁尚德同都御史商大節都督陸炳督工築正陽崇文宣武三關廂外城既而停止三十二年三月給事中朱伯辰言高皇帝定鼎金陵於有城無則以締城文皇帝移都北京密邇邊塞

暇盡制耳邇因邊

俯俞言者之

臣正南一面規制偏隘又未成旋罷臣竊見

外居以繁夥無慮數千萬戶四方萬國商旅貨賄所集不宜無以圍之矧今邊報屢警不可不為之圖臣嘗履行四郊咸有土城故址環繞如規周可百二十餘里若仍其舊貫增卑補薄培缺續斷即可使事半功倍矣上以問大學士嚴嵩嵩對外城之築衆心所同果成一勞永逸之計乃命相度興工國朝典彙閏月丙辰兵部尚書聶豹等上言臣等於本月六日會同掌錦衣衛都督陸炳總督京營戎政平江伯陳圭協理戎政侍郎許論督同欽天監監正楊緯等相度京城外四面宜築外城約七十餘里自正陽門外東馬道口

起經天壇南牆外及李興王金箔等園地至蔭水菴牆
東止約計九里轉北經神木廠獐鹿房小窯口等處斜
接土城舊廣禧門基止約計一十八里自廣禧門起轉
北而西至土城小西門舊基約計一十九里自小西門
起經三席橋村東馬家廟等處接土城舊基包過彰義
門至西南直對新堡北牆止約計一十五里自西南舊
土城轉東由新堡及黑窰廠經神祇壇南牆外至正陽
門外西馬道口止約計九里大約南一面計一十八里
東一面計一十七里北一面勢如椅屏計一十八里西
一面計一十七里周圍共計七十餘里內有舊址堪因
者約二十二里無舊址應新築者約四十八里其規制
臣等議得外城牆基應厚二丈收頂一丈二尺高一丈

八尺上用輓爲腰牆梁口五尺共高二丈三尺城外取
土築城因以爲濠正陽等九門之外如舊彰義門大通
橋各開門一座共門十一座每門各設門樓五間四角
設角樓四座其通惠河兩岸各量留便門不設門樓城
外每面應築敵臺四十四座每座長二丈五尺廣二丈
收頂一丈二尺每臺上蓋舖房一間以便官軍棲止四
面共計敵臺一百七十六座舖房一百七十六所城內每
面應築上城馬道五路四面共馬道二十路西直門外
及通惠河二處係西湖玉河水出入之處應設大水關
二座八里河黑窰廠等處地勢低窪潦水流聚應設小
本關六座城門內兩傍工完之日擬各蓋造門房二所
共二十二所以便守門人員居處疏入得旨允行乙丑

建京師外城興工遣成國公朱希忠告太廟勅諭陳圭
陸炳許論及工部左侍郎陶尚德內官監右少監郭暉
提督工程錦衣衛都指揮使朱希孝指揮僉事劉鯨監
督工程又命吏科左給事中秦梁浙江道御史董威巡
視工程四月上又慮工費重大成功不易以問嵩等嵩
等乃自詣工所視之還言宜先築南面俟財力裕時再
因地計度以成四面之制於是嵩會圭等議覆前此度
地畫圖原為四周之制所以南面橫濶凡二十里今既
止築一面第用十二三里便當收結庶不虛費財力今
擬將見築正南一面城基東折轉北接城東南角西折
轉北接城西南角并力堅築可以刻期完報其東西北
三面候再計度以聞報允 世宗實錄

嘉靖四十一年十二月工部尚書雷禮請增繕重城備
規制謂永定等七門當添築甕城東西便門接都城止
丈餘又梁口卑隘濠池淺狹悉當崇甃深濬上善其言
史槩

嘉靖四十三年六月丁酉京師重城成 世宗實錄

內外兩城計梁口二萬零七百七十二梁下砲眼共一
萬二千六百有二 春明夢餘錄

張四維京師新建外城記皇上臨御之三十二年廷
臣有請築京師外城者叅之僉論靡有異同天子乃
命重臣相視原隰量度廣袤計工定賦較程刻日於
是京兆授徒司徒計賦司馬獻旅司空鳩役總以勳
臣察以臺諫與夫庶司百職罔不祗嚴乃遂畫地分

工授規作則制緣舊趾土取沃壤寮藩輸鏹以贊工
庶民子來而趨事曾未閱歲而大工告成崇庠有度
瘠後有級繚以深隍覆以甍植門垣矗立櫓樓相望
巍乎煥矣帝居之壯觀也夫易垂設險守國之文詩
有未雨桑土之訓帝王城郭之制豈以勞民所以固
園宅師以隆王者居重之威以奠下民安土之業以
絕姦宄覲覲之念此固聖人因時之政不得不然者
爾條麓堂集

天啟元年十月濬京城九門及重城濠成監工科道魏
大中等因言濠之源出玉泉山經高梁橋抵都城西北
而派爲二一循城之左而東而南一循城之右而南而
東直按舊牒爲地形高下次第布之未可以丈尺槩也

德勝門之水南入關周行大內出玉河近且北淤南壅
而嘉靖所築重城地勢旣高有掘未及泉而止者宜清
其源審其勢疏其脉達其支以總會于大通橋又須理
葺諸閘節宣蓄洩以壯金湯之固疏下工部熹宗實錄

日下舊聞卷一終

日下舊聞卷一補遺

星土

尾爲九子箕爲敖客 史記

尾有七星形如蠍尾箕有四星形如牛角 法苑珠林

箕尾之間謂之九江口 觀象玩古

天寶九載八月五星聚于尾箕燕分也占曰有德則慶

無德則殃 唐書

辰星北方之位黑帝之子 天官星志

辰星一曰熊星一曰鈎星一曰箕星一曰鼎星一曰爨

星一曰伺星北方黑帝叶光紀之神元武之宿水之精也 觀象玩古

世紀

蚩尤兄弟八十一人金獸身人語銅頭鐵額食砂石子

造立兵杖刀戟大弩威振天下龍魚河圖

高盧之山發而為水金從之蚩尤受而制之以為劍鏃

矛戟是歲相兼者諸侯九雍狐之山發而出水金從之

蚩尤受而制之以為雍狐之戟芮戈是歲相兼者諸侯

十二管子

蚩尤作亂逐帝而居于涿鹿帝參盧弗能征乃帥諸侯

委命于有熊於是暨力牧神皇風后鄧伯溫之徒厲兵

稱旅熊羆貔貅以為前行鷓鴣雁鷓以為旗幟及九噉

兵涿鹿之山路史

九黎之君號曰蚩尤孔氏尚書傳

蚩尤天符之神狀類不常三代遺器多著其象漢孔氏

謂正九黎之君考黃帝滅蚩尤于涿鹿之野乃在北鄙

九黎三苗皆南蠻蚩尤九黎非一種也說略

畫本以飛獸有肉翅者謂之蚩尤古器圖

蚩尤氏頭有角與黃帝鬪以角觝人今冀州有樂名蚩

尤戲其民兩兩戴牛角而相觝樂書

炎帝者黃帝同母異父兄弟也各有天下之半黃帝行

道而炎帝不聽故戰于涿鹿之野新書

黃帝與炎帝爭鬪涿鹿之野將戰箠于巫咸巫咸曰果

哉而有咎歸藏

蚩尤炎帝之後銅頭鐵石飛空走險以犄牛皮為鼓九

擊而止之尤不能飛走遂殺之廣成子傳

帝伐蚩尤元女為帝製夔牛鼓八十面一震五百里連

震三千八百里又為帝製司南車其前記里鼓車居

其右 黃帝內傳

帝令風后法斗機作指南車志林

黃帝出師涿鹿以柶鼓為警衛其曲有十一曰震雷驚

二曰猛虎駭三曰鷲鳥擊四曰龍媒蹀五曰靈夔吼六

曰鷓鴣爭七曰壯士奪志熊羆哮吼九曰石盪崖

十曰波盪壑並皆有辭今亡考矣十六及十七能

蚩尤帥蚘蚘與黃帝戰于涿鹿帝命吹角為龍吟以禦

之通禮義

蚩尤氏強與榆罔爭王于涿鹿之阿黃帝使力牧神皇

直討蚩尤氏擒于涿鹿之野使應龍殺之于凶黎之谷

一作 帝王世紀

蚩尤出自葦八肱八趾疏首登九萍以伐空桑黃帝

殺之于青丘坤靈圖

蚩尤變幻多徵風召雨吹烟歎霧黃帝師眾大迷王

母乃命元女帝以三宮五音陰陽之畧太乙遁甲六

壬步斗之術除符之機靈寶五符五勝之文遂克蚩尤

于中冀元女丘

蚩尤者炎帝之後故祭蚩尤文云將軍敢以牲牢祭爾

炎帝之裔蚩尤之神以通平

蚩尤人身牛蹄四目六手涿鹿間往往捃得髑髏如銅

鐵蚩尤骨也補異記

黃帝百戰與炎帝戰于阪泉之野三與蚩尤戰于涿鹿

之野七十二聖冠子注

赤帝為火災帝擒之文子

黃帝之時中黃帝為將破殺蚩尤漢書

史記逸周書大戴禮文子所云炎帝赤帝皆謂蚩尤而

書傳舉以為榆罔失之路史

按史記云諸侯相侵伐蚩尤最為暴則蚩尤非為天子

也又管子曰蚩尤受廬山之金而作五兵明非庶人蓋

諸侯號也史記索隱

蚩尤亂在幽州其死在冀路史

黃帝戮蚩尤遷其民善者于鄒屠惡者于有北詩云投

畀有北燕可知也禮記謹按說蚩尤者不一孔子三朝記大戴

禮記以為庶人孔氏小司馬氏以為諸侯應

劭以為古天子或以為炎帝之後或以為九

黎之君或謂殺之于中冀或謂殺之于青丘

或謂殺之于凶黎之谷傳聞異辭並存焉可

也

馮烈解云西北方不周之山曰幽都之門又曰北接幽

都南道交趾楊雄甘泉賦云西耀流沙北曠幽都即朔

之幽都也山海經廣注

幽都一曰北幽國名紀

樂毅六月之間下齊七十餘城皆為郡縣齊人食邑于

燕者二十餘君有爵位于薊者百有餘人通鑑

二世元年九月韓廣為趙畧地至薊自立為燕王史記

月表

卷一補遺

四

昭帝元鳳元年燕王宮永巷中豕出園壞都竈銜其脯

六七枚置殿前劉向以為近豕禍也時燕王旦謀逆竈

若生養之本豕而敗竈陳脯于庭脯竈將不用宮室將

廢辱也燕王不改卒伏其辜漢書五行志

是時天大雨虹下屬燕王宮宮中井水皆竭有黃鼠舞

燕王殿前端門中視之不去一日一夜死者數千船

戶自閉不可開厠中豕羣出壞竈御釜六七枚置殿門

前烏鵲自鬪宮中烏死天火燒燕南城門大風壞宮城

樓板樹木流星墜地漢紀

更始二年春正月公謂世祖到薊王郎購公十萬戶薊

中驚恐言郎使日方至太守以下皆出城迎公見官屬

議耿弇曰今兵南方來不可南行上谷太守耿况漁

陽太守彭寵公邑人也發此兩郡控弦強

無前邯鄲不足平也公曰卿言善時公官

莫有欲北者公指弇曰是我北道主人也

上既破邯鄲誅王郎召鄧禹宿夜語曰欲北

騎諸將誰可使者禹曰吳漢可其人勇鷲有智謀

鮮能及者上於是漢為大將軍漢遂斬幽州牧苗曾

上以禹為知人東觀漢紀

上破賊入漁陽諸將上尊號上不許議曹掾張祉言俗

以為燕人愚方定大事反與愚人相守非計也上大笑

同上

公孫瓚誣劉虞欲稱尊號脇殷訓誅之於是虞故吏漁

陽鮮于輔率其州人及三郡烏桓鮮卑與瓚所置漁陽

悉留之北連突厥告絕于藝同上

孫佺為幽州都督五月北征李處郁諫曰五月北方火
北方水火入水必滅且殄若入燕百無一全佺不從果
沒八萬人山東謂温飯為殄幽州以北並為燕地故云
朝野僉載

佺之入賊也薛訥與之誓曰季月不可入賊大凶也佺

曰六月宣王北伐訥何所知出軍日有白虹垂頭于軍

門其夜大星落于營內兵將無敢言者軍行後幽州

內烏鷄鴟鳶並失皆隨軍去經二旬而軍沒烏

肉焉同上

開元二十一年張守珪轉幽州長史兼御山

及奚連年為邊患趙含章薛純玉等前後

竟不能拒及守珪到官頻出擊之每戰皆捷契丹別帥

李過折斬首領屈刺衙官可突于率眾以降守珪因出

師次紫蒙川大閱軍實讌賞將士二十三年春守珪詣

東都獻捷會藉田禮畢酺宴便為守珪飲至之禮上賦

詩以褒美之詔于幽州立碑以紀功賞舊唐書

張仲武為幽州大都督府長史回鶻擾邊東逼漁陽仲


武大破之前後收其侯王貴族千餘人降三萬人表請

于薊北立紀聖功銘勅李德裕為之文同上

劉守光背晉晉兵攻之守光將元行欽牧馬山後聞守

光且見圍即率所牧馬赴援而麾下兵叛于道推行欽

為幽州留後五代史時燕城危蹙甲士亡散劉守光召元行欽行欽部下諸



將以守光必敗赴召無益乃請行欽爲燕帥稱雷後行
欽無如之何乃謂諸將曰我爲帥亦須歸幽州衆然之
周太祖實錄

明宗天成三年七月幽州趙德鈞敗契丹于府西五代
春秋

周世宗末年大舉以取幽州契丹聞其親征君臣恐懼
沿邊城壘皆望風而下凡蕃部之在幽州者亦連宵遁
去車駕至瓦橋關探邏得實甚喜以爲大勲必集因登
高阜以觀六師頃之有父老百餘輩持牛酒以獻世宗
問曰此地何名對曰歷世相傳謂之病龍臺世宗默然
遽上馬馳去是夜聖體不豫即詔回戈未到闕而晏駕
初幽州聞車駕將至父老或竊議曰天子姓柴幽州爲

燕燕者亦烟火之謂也柴入火不利之兆安得成功卒
如其言五代史補

金人之來歸六州也索米二十萬石童貫蔡攸入燕赦
兩河燕臺路初朝廷信趙良嗣等虛辭謂金人歸我雲
中故曲赦并及山後地然時實不得山後地也大事記
講義

唐庚論幽燕檄我國家運啟漢符疆包禹跡際天所
覆無不統臨盡海以還悉皆臣妾措函生于壽域躋
寰宇于聖涯惟燕督亢之圖得古幽州之域鼓刀屠
肆俱懷義烈之風擊筑行歌咸有英雄之氣向因石
晉割啗契丹

朝廷哀爾無辜淪于不化爰整弔

民之旅不違後后之期復千里之關河拯一方之塗
炭倘能舍逆取順信賞當倍常科錄可用之新毗蠲
無名之暴歛庶令陷溺復觀太平

眉山集

天德二年七月除大使梁漢臣為右丞相一口宮中燕
間謂漢臣曰朕栽蓮二百本俱死何也漢臣曰自古江
南為橘江北為枳非種者不能蓋地勢然也上都地寒
惟燕京地暖可栽蓮主曰依卿所請擇日而遷兵部侍
郎何十年亦曰燕京地廣土堅人物蕃息乃禮義之所
主曰可遷都上京黃沙之地非帝居也漢臣又曰且未
可遽遷待臣為郎主起諸州工役修整內苑然後遷都
主從其言時內外臣僚上書多謂上京僻在一隅轉漕
難而民不便惟燕京乃天地之中宜徙都燕與主意合

大喜乃遣左右丞相張浩張通右丞張松年調諸路
夫匠築燕京宮室四年冬燕京新宮成主率文武百官
自會寧府遷都于燕貞元元年正月元夕張燈宴丞相
以下于燕之新宮賦詩縱飲盡歡而罷

志

至元三年城大都張弘其父柔為築宮坊總管十

三年城成賜內帑金銀瑁元史本傳

元史本傳

政和初遣使覘國而童貫實行遼之君臣相顧竊笑已
有南朝無人之譏北事既興遂付戎律以僕隸之材當
元戎之任節制不明諸將無所稟畏庸懦不武敵師得
以憑陵未幾副之以蔡攸易之以譚稹其為鴛快又益
甚焉於見女真知中國之無人而異志興矣

文忠公

集

金太祖天輔元年十二月宋遣宿州防禦使馬政來聘請石晉時陷入契丹漢地二年四月遣散覲報聘于宋所請之地與宋夾攻得者有之本朝自取不在分割之議三年六月宋遣馬政及其子宏來聘四年二月宋遣趙良嗣以書來議燕京西京之地七年正月宋復遣趙良嗣來議燕京西京地答書如初約合攻隨得者有之今自我得理應有報良嗣言奉命占得燕京即納銀絹二十萬匹綾二萬以代燕地之租稅二月宋復遣趙良嗣來定議加歲代燕地租稅并議畫疆遣使置權塲癸卯遣字輩銀可鐸刺報聘于宋許以武應朔蔚奉聖歸化儒媯等州於西北一帶接連山川及州縣不在許與之限戊申詔平州與宋使一同分割所與燕

京六州之地三月宋使盧益趙良嗣馬宏以誓書來四月復誓書于宋太宗天會三年六月遣李用和等以滅遼告慶于宋十月詔諸將伐宋十二月宗望敗宋兵于白河遂取燕山州縣金史交聘表

宗望至三河破郭藥師兵四萬五千于白河蒲葦敗宋兵三千于古北口郭藥師降遂取燕山府金史本傳

元世祖以北平為大都然安祿山已先稱之矣金海陵花外東風楊王以北平為燕京然史思明已先稱之矣關日記

陶潛詠荆軻曰提劍出燕京蓋燕之名京久矣深雪偶

元張中丞養浩歸田類藁有登憫忠閣詩自注云北三

十里爲大內虞文靖集作楊襄敏碑云至元十年始
大城京師于大興故城之北中爲天子之宮廟社朝市
各以其位而貴戚功臣悉受分地以爲第宅然則元之
大內在今地壇之右矣當時樵李顧淵白獻燕都賦寧
海李洧孫有大都賦惜皆佚不傳也 人海記
蚩尤古之諸侯其性酷毒故作五虐之刑謂車裂人及
燒銅柱使人抱或使人緣之之類也 唐律釋文
天興二年八月范陽人盧溥聚衆海濱稱使持節征北
大將軍幽州刺史攻掠郡縣殺幽州刺史封沓于十二
月詔材官將軍和突討溥三年正月和突生擒溥傳送
京師轘之 魏書道武帝紀
泰常元年徒何部落庫儂官斌叛歸馮跋驍騎將軍延

普渡濡水討擊八破之斬斌及跋幽州刺史漁陽公庫
儂官昌征北將軍關內侯庫儂官提等首生擒庫儂官
女生送京師幽州平 魏百明元帝紀
如光 正月行幸幽州 魏書太武帝紀
延和二 九月徙營丘成周遼東樂浪帶方元菟六郡
民三萬禾于幽州開倉以賑之 同上
太延二年二月行幸幽州存恤孤老 同 民疾苦 同
孝昌元年八月杜洛周反號年真王南圍燕州九月詔
左將軍幽州刺史常景爲行臺討洛周二年正月都督
元譚次于軍都爲洛周所敗二月詔督李瑤次于薊城
之北又爲洛周所敗瑤戰歿五月燕州刺史崔乘率衆
棄城南走秋七月洛周遣其別帥曹紇真寇掠幽州常

景遣都督于榮邀于栗園大破之斬和真十有一月洛
周攻陷幽州執刺史王延年及行臺常景魏書孝明帝

紀

普泰元年幽州刺史劉靈助起兵于薊率眾次安國城

定州刺史侯淵破斬之魏書廢帝紀

宣和中謀取燕山上皇下其議鄭居中獨言燕薊久陷

契丹一旦得之恐難守况先朝與契丹有誓不宜輕舉

宰相王黼謂于載一時之機不可失童貫蔡攸欲徼倖

立功請從黼議遂以契丹舊賄賂于女真既得燕山其

歲賂金人與守禦賞賜不貲議者謂猶獲石田無所用

也靖康遺錄

金既破契丹至燕駐軍約本朝自取幽州於時童貫蔡

攸為官撫使劉延慶為大將軍於盧溝距燕城一舍遼

相李偃約降延慶遣銳兵同郭藥師先入蕭后并四軍

大王者尚守燕城藥師等既入城縱兵四掠無復紀律

一夕四軍以殘卒擊王師奔還盧溝大軍聞之亦潰金

人遂攻燕城四面登堞填壕掘城為纏道徙樓櫓反臨

城中需索掠取人物俱盡乃還秀水閑居錄

蕭后聞居庸失險夜半率契丹并老幼出城聲言劄野

寨迎敵其實避竄宰相左企弓以下并辭于門外后諭

口國難至此我親統大軍盡死一戮為社稷計勝則再

與卿等相見萬一失利則誓死于陣前卿等善全合境

人民無使濫被殘害遂泣下后行五十里企游騎已逼

城左企弓集百官共議未定統軍副使蕭一信開啟

夏門放入婁宿李董軍登城遣先被獲知宣徽北樞密院事韓秉傳不殺一人催促文武百僚耆老僧道出丹鳳門球場內投降阿骨打戎服坐萬勝殿皆拜服罪蕭后行至松亭關議所住大石林牙欲歸天祚四軍大王蕭幹欲就奚王府立國於是契丹奚軍列陣相拒而分矣二遼錄

阿骨打師自居庸關入燕人備儀物迎之其始至燕大內也阿骨打與其臣數人皆握拳坐于殿之戶限上受人之降北和紀實

和五年二月乙酉朔金人遣趙良嗣過盧溝河即焚

次舍北盟會編

八丹故大臣皆言南朝自來畏怯又見劉延慶

敗走左企弓上阿骨打詩云君王莫聽捐燕議一寸山河一寸金故有敗盟之意自南使過盧溝河即焚橋梁茅齋自敘

乙未尚書左丞王安中除少保靜難軍節度使河北燕山府路宣撫使判燕山府資政殿學士詹度為燕山府安撫使四月庚子童貫蔡攸整軍容入燕山府撫定燕城北盟會編

童貫差姚平仲康隨王環等各帶人馬起發交割燕京次差李嗣本為前軍以种師中楊可世為中部遣郭藥師領常勝軍自新城入固安貫與蔡攸建旌纛鳴鼓吹笙以大軍次之嗣本至盧溝橋金人猶駐燕京是日師中等營料石剛可世督嗣本渡河金主與阿骨爽等卷

甲移竈退舍三十里日晡嗣本提兵入城師中可世相繼入燕入燕錄

金人用阿骨爽計將燕城金帛子女席卷而東或告燕人曰汝之東遷非金人意南朝留常勝軍利汝田宅給之爾燕人皆怨平燕錄

壬寅金人遣使賚御押地圖來宣撫司留燕旬有二日議班師北盟會編

辛亥童貫蔡攸歸以詹度權大帥府度作平燕詩送貫曰長亭春色送英雄滿目江山映日紅劍戟夜搖楊柳月旌旗曉拂杏花風行時已決平戎策到後須成濟世功為報燕山諸將吏太平只在笑譚中同上
五月甲寅童貫蔡攸班師同上

六年四月山府王安中奏府西香山寺

天寧壽觀昊天壽寺甘露降奉旨許拜表稱賀

七年三月童貫入燕府同上

貫至燕中撫犒郭樂師以一帟勝軍罷王安中陞蔡靖為宣撫兼知燕山府節自敘

五月乙巳詔童貫克復燕山府封廣陽郡王北盟會編

十一月丙戌幹離不自平州起兵寇燕山同上

燕地號沃兵既久加以金人殘毀禾柘棗栗為之

一空我得之僅三年曾無斗粟尺帛之常勝軍五萬月給人二斛戍兵九千入六斗則已十餘萬斛又

有食糧軍及諸州官吏不在數也心出河朔山東河

東之力以應辦纔一年而諸路皆困矣王黼免夫
之令謂燕山之役天下起夫今免其調發合計口多
寡盡出免夫錢違期者斬天下所得免夫錢凡六千二
百餘萬緡以二十萬緡一燕山二千萬一管所餘莫
知爲何用及黼罷後燕山日夕告乏而山東河北盜
皆起矣北征紀實

宣和七年十二月金人寇邊安撫使蔡靖方告急而郭
藥師叛導寇以陷燕山山一建言開邊一始于童
貫宜誅貫以謝邊人庶可一宰相不能決各臣琬琰
之集

幹离不犯燕山郭藥師叛降率一勝軍迎之北盟會編
幽州之地沃野千里北限大山重巒復嶂有渝關居庸

松亭金坡古北口前此一營邊事一八歲幣加契丹
之倍以買幽薊五州之地而平一營一不與焉是五
關我得其三而金人得其二也以天下視燕爲北門失
幽薊則天下常不安山燕視五關爲襟喉無五關則幽
燕不可守五關止得其三縱藥師不叛邊患終無寧歲
也奉使行程錄

岐王亮弒王自立改元天德內使梁漢臣本宋內侍進
曰燕京自古一國屛視中原爲萬世之基陛下宜修燕
京時復巡幸遂納其言差漢臣克修燕京大內正使孔
彥舟爲副使自天德四年起至貞元元年畢工以燕京
爲中都擇日遷燕山府楊注上錄
完顏亮殺兄亶而日立明年下詔求言是時上封事者

多言會寧僻處一隅官艱于轉輸民艱于赴愬宜徙居
燕山以應大地之中亮深然之即日使官佐張浩右相
張通古役天下夫匠百萬省京師之髣髴營都于燕山
三年乃成 正隆事迹

北平縣界有漢熹平四年幽冀二州以戊子詔書遣
州從事王球幽州從事張昭郡縣分境立石標界其揭
石文也 木經注

宋太祖別置封樁庫常密謂退臣曰石晉苟利于已割
幽薊以賂丹使一方之人獨限境外朕甚憫之欲俟
軍所歲滿三五十萬即遣使于契丹約苟能歸我土
地民庶即當盡此金帛克其贖直如曰不可朕將散滯
財募勇士俾圖攻取爾會晏駕不果 太平治述

契丹遣劉六符來求關南十縣其書謂太宗并汾之役
舉無名之師直抵燕薊王拱辰作報書云既交石嶺之
鋒遂有薊門之役契丹得報繼好如初 宋仁宗實錄

天啟元年十月給事中魏大中報京城濬濠工竣東便
門迤北員外郎何玉成監濬一百四十丈主事張時俊
監濬一百五十三丈主事劉鱗長監濬一百六十一丈
主事張杰監濬一百五十五丈主事張泰階監濬一百
四十五丈朝陽門迤北主事吳時亮監濬五百九十四
丈東直門迤北轉西主事陸之祺監濬五百九十六丈
安定門主事曾櫻監濬門東四百三十丈門西一百十
六丈安定門迤西主事劉鱗長監濬二百六十丈主事
韋國賢監濬一百七十丈員外郎陸化熙監濬二百三

十九交德勝門迤西主事劉存慧監濬六百十九丈西
北角樓迤南員外郎趙贊化監濬一百七十七丈西直
門迤南主事張時俊監濬一百九十三丈主事楊師孔
監濬四百六丈八尺阜成門迤南主事張杰監濬三百
丈主事張泰階監濬二百八十丈員外郎趙贊化監濬
二百五十三丈西便門至正陽門主事李養德監濬一
千一百二十丈八尺一寸正陽門至崇文門郎中吳叔
度監濬四百九十五丈崇文門至東便門郎中吳叔度
監濬四百九十二丈重城員外郎林宗監濬五千一百
五十丈

藏密齋集

宣和將伐燕用其降人馬植之謀由登萊航海以使于
女真約盡取遼地而分之子女玉帛歸女真土地歸我
議既定矣宇文肅愍虛中在

昌言開邊之非策王

謂惡之及童貫蔡攸以宣威建臺遂使之參謀意欲窺
其口肅愍上書曰臣聞用兵之道禦攻者易攻人者難
守城者易攻城者難守者在內而攻者在外在內為主
而常逸在外爲客而常勞逸者必安勞者必危今宣撫
司兵約有六萬邊鄙可用不過數千契丹九大王耶律
淳智畧輻輳素得士心國主委任信而不疑今欲亟進
兵于燕城之下使吳丹自西山以輕兵絕吾糧道又自
營平以重兵壓我營壘我之糧道不繼而耶律淳者激
勵衆心堅城自守則我危矣且中國與契丹講和今踰
十年間有貪憚不遇欲得關南十縣而止耳間有傲慢
過對中國使人稍虧禮節而止耳自女真侵削以來

慕本朝一切恭順令舍恭順之契丹不封殖拯救為
藩籬而遠踰海外引強悍之女真以為隣國彼既藉
勝之勢虛喝驕矜不可以言說論上
中國之邊患未有寧息之望是書下三
以他事除集英殿修撰督戰益急而北事始不可
拾矣遼又有降將郭樂帥統其卒曰常勝軍皆寵負
漸桀驁不可馴肅愍憂之力言下朝請以恩禮留之
師使盡挈致家屬若于賜第緩
一畢即歸以杜後患亦弗聽既而金人寒盪藥師首
不自并幸幽乘契丹無備其主方獵遁歸牙帳議棄
以兵守松亭虎北口而已十越時為舍利郎君請

史

兵十萬救幽州人夜持兩炬朝舉兩
選精騎三萬從
他道自官軍南席卷而北又先以弱兵五十守幽州望
風遁去我師逼之不得及我師已退或勸襲之于越曰
受命救幽薊已得之矣不復爭利

江氏雜志

見
謹按于越之救幽州據王鞏所記止請
得五千騎若如江休復之言既擁十萬師何
用人持兩炬兩旗以為疑兵乎未免自相矛
盾矣

永樂中定都北京建築京城周圍四十里為九門南曰
麗正文明順城東曰齊化東直西曰平則西直北曰安
定德勝正統初更名麗正為正陽文明為崇文順城為
宣武齊化為朝陽平則為阜城餘四門仍舊城南一面

長一，二百九十五丈九尺三寸北二千二百三十二丈四尺五寸東一千七百八十六丈九尺三寸西一千五百六十四丈五尺二寸高三丈五尺五寸堦口五尺八寸基厚六丈二尺頂收五丈嘉靖二十三年築重城包京城南一面轉抱東西角樓止長二十八里爲七門南曰永定左安右安東曰廣渠東便西曰廣寧西便城南一面長二千四百五十四丈四尺七寸東一千八十五丈一尺西一千九十三丈二尺各高二丈堦口四尺基厚二丈頂收一丈四尺四十二年增修各門甕城工部志

內皇城周圍共四十舖每舖旗軍十名晝夜看守銅鈴二十有八每夜起更時分從右闕門第一舖發鈴軍提

一鈴播至第二舖相續傳遞至左闕門第一舖止次日將鈴仍送右闕門第一舖收貯外皇城周圍七十二舖每舖守衛旗軍亦十名晝夜看守舊有銅鈴七十八個弘治十年失其二止存七十有六每夜從西長安門第一舖發鈴相續傳遞至東長安門第一舖止又內皇城四門每夜派走更官午門左右闕門二員京華西華元武門各二員司禮監置簿兵部用印起更時各賚原領令牌及簿如左闕門官赴東華門東華門官赴右闕門每更各於簿上交互用印以備查核兵例

北京正陽門前搭蓋棚房居之爲肆其來久矣崇禎七年成國公朱純臣家燈夕被火於是司城毀民居之侵占官街搭造棚房壅塞衢路者金侍御光辰慮其擾民

上言京師窮民餓舍無資藉片席以棲身假貿易以餬口其業甚薄其情可哀皇城原因火變恐延燒以傷民今所司奉行之過槩行拆卸是未罹焚烈之慘而先受離析之苦也且棚房半設中塗非盡接棟連楹若以火延棚房即毀棚房則火延內室亦將并毀內室乎疏入有旨停止鴻一亭筆記

甲戌二月太祖歛兵圍中都金主大懼獻公主請和太祖許納之又進金銀繒幣各萬餘兩匹魯國忠武王行錄

唐置節度使自幽州始軍士立主帥自平盧始節度據故鎮自盧龍始其事莫非燕也燕史

皇朝通志

卷之六

